



校刻日本外史

楠氏
新田氏

五六

リ5
15688
4





鷓鴣
處脂切惡鳥也
鳥子而食者
古堯切說文不孝
三鳥
詩大雅為巢為鷓
陰機疎自園而西
巢

日本外史卷五

新田氏前記

楠氏

北畠氏
兒島氏

楠池氏
上居氏

名和氏
得能氏

外史氏曰。予修將門之史。至於平治承久之際。未嘗不
筆而歎也。嗚呼。世道之變。名實之不相讐。一至於此。歟。古
之所謂武臣者。勤王云爾。如源氏平氏。莫不皆然。至於平
治之後。乘綱維之弛。以逞鷓鴣之欲。有暴悍無忌者焉。有
雄猜匪測者焉。雖所為不同。而其蔑王憲營私利一耳。然
猶有可言。曰。王族也將家也。至於北條氏。以將門屬隸。而

憑怒 揚子方言楚謂怒曰憑故憑怒

嗚使大曰放蘇后切

坐制朝廷。天下之事。不復忍言也。且夫承久之事。孰曲孰直。筆而傳之者。皆出北條氏盛時。今安考信焉。况君臣之際。寧可較曲直也。乃指斥憑怒。極其凌辱。視萬乘之尊。不啻如孤豚。嗚呼。八洲生民。誰不被先王之遺澤。當時所謂武士者。狃其豢養。供其使喚。雖名位族望。遠出其右者。奔走驅馳。甘為之役。之不服。氣類所召。習以為常。豈可勝言哉。即稱為公卿者。平時趨蹌朝廷之上。取天子之爵秩。以驕天下。而及於此際。未嘗畫一策以救危難。袖手傍觀。以聽其所為。是為尤於武人邪。雖時勢有所未可。君德有所未洽。以致乎此禍。而亦臣子之罪矣。自是以來。百餘年間。

父子三帝 後鳥羽上皇 隱岐 土師門 土佐 順德 佐渡

廢立黜陟。一仰其處分。而朝廷蹙蹙。如被束縛。至於窺其顏色。以為憂喜。何其甚也。余聞後鳥羽上皇之徙隱岐也。因石窟縛屋。縱庇風雨。十有九年。乃崩。蓋父子三帝。隔絕千里。各居窮海。終天不得相見。是其心何嘗一日忘北條氏哉。則元弘之事。萬不可已也。而其勤王之功。余以楠氏為第一。微楠氏。則西狩之駕。吾見其與承久歸一轍而止而已。何哉。彼北條氏。雖失於政。其權力有更甚焉。藉累世之威。而加積弱之餘。百萬虎狼。隨其指呼。然咻中國。莫之或櫻。天下方以承久為戒。重踵屏息。莫敢言勤王之事。而楠公獨以眇眇之軀。唱義其間。當其衝路。挫其爪牙。以鼓

魚口炮 咻 魚休自秤氣健良

狂胡并安祿山也

靖安也獻達也自安其義以達其志於先王也

舞四方義士之氣。使之一時踵起。殄戮元惡於斧鉞之下。報列聖之深仇。雪累朝之大耻。天下萬姓。再得仰日月之光。雖曰屬皇運之泰。而非公為之唱。焉能至此。是焉知非天生斯人。以匡濟世道哉。後之論者。或有比之唐張巡者。巡戴全盛之唐室。拒狂胡之偏師。有二顏為之先。有許遠為之助。而不過遮敵江淮。守城致死。以公視之。勢之難易。功之大小。豈可同日而語也。要之位不滿其器。莫能展其才。而終能以躬殉國。靖獻先王。餘烈所及。不獨其子孫。自公卿自將士。各執弓箭。以勤王事。概皆聞楠氏之風而起者也。嗚呼。如楠氏者。真可謂不愧武臣之名矣。余故敘楠

氏之事。以繼源平氏云。
楠氏本姓橘氏。出於敏達天皇。天皇曾孫曰諸兄。為左大臣。賜姓橘。橘氏後裔。或降在民間。其居河內者。以楠為氏。楠氏始著於後醍醐天皇之時云。天皇於後鳥羽為玄孫。後鳥羽二子。順德。土御門。二帝並為北條氏所徙。以崩。後嵯峨帝。以上御門之皇子。為北條氏所立。而常痛先帝之蒙塵。欲俟時報之。而後深草龜山相繼即位。皆帝之子也。帝謂後深草優柔不足與有為。而愛龜山有英氣。可以繼其志。故遺詔龜山之後。永承皇統。故後宇多以龜山太子立即位。而北條氏立後深草之皇子。又立其皇孫承其後。

定一作

後宇多上皇遣大納言藤原定房責其再違遺詔乃立上皇皇子實後二條帝遂定兩統更立之議及帝崩又立後伏見之弟時後宇多次子尊治幼有英質龜山上皇奇之遣定房諭北條氏而立之是為後醍醐天皇當天皇之時北條高時失政其家宰長崎高資等恣權將士離心多背叛者天皇陰謀乘是時討滅之乃勵精求治置記錄所親聽訟訴與大納言藤原資朝右少辨源俊基等謀稍延攬豪傑置酒款語破禮節結驩心目曰無禮講美濃人土岐賴兼多治見國長與焉賴兼族賴春娶齋藤利行女利行六波羅府吏也一名賴春偶與妻語泣下妻問何泣賴春

諸本行源字當剛俊基亦藤原氏非源氏下文作殺藤原俊基

衣古本切龍天子服也

告實妻走告其父父告之六波羅府發兵襲賴兼國長二人力鬪不克自殺高時聞之遣兵來執資朝俊基帝因賜誓書事得寢乃釋俊基流資朝而帝志益銳與皇子護良謀收結南都叡山僧徒高時又覺之捕僧圓觀等再執俊基遂與宰高資定議欲廢帝如承久故事遣二階堂貞藤潛兵西上夜至六波羅府將北條仲時北條時益得高時書未發封也帝諜知之乃用護良計御藍輿逃之南都使大納言藤原師賢服袈裟詐稱帝赴叡山僧徒大喜來聚一夕得萬人而仲時時益謂帝猶在宮中也遣兵索之不獲則收大納言藤原宣房等四人而去以萬人攻叡山護

金剛山志貴山在
河內一志貴山大和

良等擊卻之。而僧徒知帝非真。悉散去。當是時。帝在笠置山。仲時時益聞之。遣兵來攻。未至。帝下詔四方赴難。莫復應命者。帝憂迫。適夢紫宸殿南有大樹。樹下設虛位。二童子來。垂泣白曰。天下無地容陛下。獨有此座而已。既覺。自念。文本從南楠。當有姓楠人。出扶朕以定禍難。因召山僧訪之曰。地方豪傑。豈有姓楠者乎。對曰。金剛山之西有楠正成者焉。正成之父嘗憂無子。與其妻祈於志貴山而生焉。少字多聞。長以材武名。嘗平七寇。以功為兵衛尉。帝曰。是也。使中納言藤原藤房往召正成。正成即決意赴之。從藤房詣行在。帝使藤房言曰。討賊之事。朕以託汝。因命

坐問計。正成感激對曰。天誅乘時。何賊不斃。東夷有勇無智。如較於勇。舉六十州兵。不足以當武藏相模。較於智乎。則臣有策焉。雖然。勝敗常也。不可以少挫折變其志。陛下苟聞正成未死也。則毋復勞宸慮。乃拜辭還。寶元弘元年八月也。正成於是城于赤坂。將以奉乘輿焉。而賊兵已圍行在。參河人足助重範善拒。備後人櫻山茲俊起兵應之。高時乃遣北條貞直足利尊氏等六十三將。以武藏相模等五州兵十餘萬騎西上。未至而笠置陷。重範被擒。錦織俊政石川義純死之。帝與藤房奉神器逃。於是貞直等諸軍徑赴赤坂城。城纔成。取農粟充糧焉。兵僅五百人。正成

草實切與敵通隱于山間
使敵不見也

肉薄

分其三百。以弟正季族和田正遠將之。出城。單山而俟。東軍至。望見其城。可方百餘步。乃憫笑曰。此可隻手掀耳。爭下馬。肉薄攻之。正成令士卒齊射。立斃千餘人。東兵沮卻。卸甲且息。而伏兵自左右起。正成以二百騎闢門突出。三面合擊。東軍大驚擾亂。棄器械而走。旦日。東軍分為二。一備伏。一圍城。正成豫築複垣。繩懸其外。垣敵蟻附焉。乃斷繩。敵與垣俱墜。乃投大石巨材。殺七百餘人。居四五日。東軍修攻具。蒙楯而進。鐵鈎鈎垣。垣始崩。正成令城兵人執長柄杓。沃沸湯。敵焦爛而退。東兵於是築營環城。為持久計。而城內餘五日食。正成謂衆曰。吾先天下舉大事。

固不圖生。雖然。天子在焉。吾未可以死也。吾今佯死。敵則去。去則復起。使彼疲奔命。是全軀以亡敵之術也。衆曰。善。乃鑿坑填尸。以薪蔽之。乘風雨。夜稍稍逃出入。金剛山留一人。誡曰。度我遠而舉火。火起。敵爭上城。見坑中積尸。謂正成既死也。引兵東去。使湯淺定佛代守其城。櫻山氏兵聞之潰散。茲俊自殺。賊執帝于宇治。奉于平等院。遂欲徙之。六波羅帝令備行幸儀。乃往。賊乃立後伏。見帝子量仁即位。實光嚴帝。請帝傳神器。弗聽。請帝削髮。又弗聽。每旦沐浴。拜皇祖如常禮。賊畏憚之。僧良忠謀奪帝。不成。二年。三月。高時徙帝于隱岐。其禮比承久頗厚。參議源忠顯。嬪

為仁據
太平記
論語原
仁文作成

藤原氏從而賊將佐佐木高氏等以兵三千護送由山陽道。兒駕高德又謀奪之復不成。兒駕氏本三宅氏世居備前兒島。兒島範長者為備後守子高德稱備後三郎。帝之在笠置也。範長高德欲赴援。聞笠置陷楠氏敗乃止。已而聞帝西遷。高德謂其衆曰。吾聞志士仁人有殺身以為仁。見義不為無勇也。蓋要奪駕以舉義。衆奮從之。伏舟坂山而待。久之不至。遣人候之曰。駕向山陰道。乃問道至杉坂。則已過矣。衆乃散去。高德悵恨不能去。乃變服尾駕而行數日。欲一見帝有所言。而不得。於是夜入帝館。白櫻樹而書之曰。天莫空勾踐。時非無

范蠡。且日護兵聚視不能讀也。乃奏之。帝熟視之。欣然。心知有勤王者也。帝至隱岐。居國府島。高時遙令隱岐守護佐佐木清高將兵監護焉。又流藤房以下公卿六人。殺藤原俊基等四人。藤原資朝在佐渡。其子國光自京師赴省。父已為本間三郎者所殺。國光夜斬三郎而去。高時遂流皇子尊良宗良恒良。殺恒性。獨第三子兵部卿護良逃奔吉野。於是四方無復勤王之師矣。四月。正成出金剛山。以五百騎攻赤坂城。城將湯淺定佛徵糧於紀伊。正成遮奪之。充苞以甲。使三百人荷至城下。別分兵追之。城兵望見。謂敵且奪我糧也。開門納之。三百人取甲於苞而甲。吶

喊起鬪。正成奪門而入。定佛不知所為。乃降。正成并其兵將七百騎。徇河內和泉。悉下之。比及渡部。得二千人。進陣于天王寺。北條氏自徙天子。謂天下無復足虞也。及正成起。則大驚。六波羅二帥遣隅田通倫高橋宗康。將五千騎擊之。正成分兵為四隊。伏其三隊。而以羸兵一隊。扼渡部橋而陣。敵望見易之。輒競渡。羸兵佯走。敵追北過天王寺。陷於伏。急麾兵卻。我兵疾擊。乘之。敵兵卻走。不可復制。爭橋而溺者無數。京師為之謠曰。渡部之川。墜橋決田。二帥愧之。更命宇都宮公綱。以紀清兩黨五百騎代赴。正成族和田某請逆戰。曰。我已勝五千。何有於五百。正成默然。良

紀清兩黨

久曰。勝敗之機。在離同不在聚寡。公綱素負勇名。而以寡兵承敗。其將上同心於死。可知也。我籍使克之。能無失亡。吾受大任。前途甚遠。而首傷我上。後誰為我用者。吾將不戰而屈之也。遂拔營而去。公綱代營焉。既夜。望四面皆炬火。漸多漸近。乃不釋甲而待者三晝夜。兩黨懼。請歸曰。楠氏兵日加也。公綱乃引歸。正成復軍天王寺。數出耀兵。令軍中禁鹵掠。遠近歸心。多來屬者。正成威振京畿。寺舊藏有上宮太子讖文。正成請僧發視之。文有曰。當人皇九十五代。天下一亂。而主不安。此時東魚來吞四海。日沒西天。三百七十日。西鳥來食東魚。海內歸一三年。如獼猴者。掠

鹵 即古劫奪也
音略又力仗劫
音亮奪取也

天下三十餘年。大凶變歸一元。正成指而諭衆曰。所謂九
十五代。非今上耶。東魚乃高時。而為西鳥所食。則終歸族
滅耳。日沒西天三百七十日。上之復辟。蓋在明春。諸君勗
之。衆皆奮厲。當是時。皇子護良起兵。據吉野。又諭赤松則
村勤王。八月。則村起兵播磨。於是京畿警聞。交至鎌倉。高
時乃撤東北三道。大發兵。以子時治族高直大臣貞藤將
之。而宰高資監焉。西擊正成等。正成相金剛山之千窟城
之。城挾山帶壑。周回一里。高數百仞。中有五泉。雖旱不涸。
造槽蓄之。養以黃土。雨則引屋溜於槽。乃使別將守赤坂
而自徙金剛山。三年二月。東兵自三道上。分為三軍。攻金

剛山。及吉野赤坂。赤坂城兵力拒。殺傷過當。賊絕其水道。
城遂陷。吉野受圍七日。乃陷。吉野赤坂既陷。關東三軍皆
築于金剛山。而西南諸道兵應高時徵者亦會焉。稱八十
萬。合勢攻正成。正成以千餘人拒之。賊兵四面仰攻。呼聲
動天地。正成令士卒投大石。隨亂射之。無復虛箭。軍監高
資令十二史記死傷。三晝夜不闕筆。乃令諸軍勿復薄城。
時大旱。賊火箭射城。正成以機注水。使不能焚。賊將高直
議曰。蔚爾山巔。不容有水。得非乘夜出汲乎。前攻赤坂。絕
水而克。此計可襲也。遣名越某將三千人。柵守東溪。久之
毋出汲者。正成瞰其倦怠。夜出兵擊走之。奪其幟而還。旦

徽字徽音揮與徽同也也禮大傳唯人南面而治天下必改正朔殊徽字注徽字旌旗之屬也

日。樹之壁上。呼曰此名越公所贈。有公徽豨焉。我無所用。願奉還之。名越慚恚。舉族薄城。城上豫橫懸大木。及敵薄而發之。因射斃四千餘人。賊益畏憚。休戰。築長圍環守。城兵困之。正成乃作藁人數十。被以甲冑。夜列城下。兵伏其後。乘曉霧大闕賊相告曰。城兵窮蹙出戰也。舉軍競進。我兵頗發矢。輒退入城。而敵集於藁人。則巨石已碎其頭。立死五百餘人。賊不敢復薄城也。三月。高時遣使者督促諸將進攻。諸將合議。命工造雲梯。長二十丈。跨壑架壁。銳兵六千。欲緣乘城。正成令投大炬。唧筒注油。以燒雲梯。烟燄噴起。賊只前後喧騰。梯遂中斷。陷壑焚死者數千人。諸道

唧筒俗曰龍吟水

豪傑望正成之風。多應官軍者。護良又命大和土寇。絕敵糧道。敵兵多逃亡。敵中有新田義貞。請護良令稱疾東歸。謀攻鎌倉。於是六波羅二帥又遣宇都宮公綱。以千餘人來援。急攻拔柵。鑿城趾。正成應機拒之。敵竟不能拔。北條氏以天下多勤王者。慮帝逃出。戒佐佐木清高。益嚴防備。而清高族義綱守中門。竊謀脫帝。未敢發。一夜。宮女傳帝旨。賜酒守兵。義綱因白曰。上未聞之乎。楠正成據金剛山。舉義兵。高時以百萬兵攻之。三閱月不能拔也。播磨備前伊豫將士並起應之。或謀迎駕。或窺京師。是皇運將回之秋也。而如聞高時兇懼陰謀不良。上宜急職千波港幸出

鮫 息兩切音想
俗鮫字乾魚
脂也

雲伯耆之間。臣佯追而從之。事必濟矣。帝不輒信。因賜其
宮女以察之。義綱志益固。帝乃令先往出雲。誘其族人來
迎。義綱往。為族鹽冶高貞所拘留。帝以其久不返。遂決意
夜偽稱嬪御。與源忠顯徒行逃出。叩一民家。問港所在。主
人熟視帝狀貌。知非常人也。乃負帝至港。託諸舟人。舟人
亦有感喜色。忠顯告以實。揚帆而南。天明。顧見數十艘。近
則清高也。舟人伏。帝與忠顯於船底。覆以鮫魚。而坐其上。
清高來索。舟人曰。何索。曰。先帝逃矣。舟人曰。果有是事。嚮
京裝者二人乘船發港。因指曰。在彼。清高赴之。帝遂達名
和港。依名和氏。

名和氏。本村上氏。世居伯耆。名和承久之役。有名和行秋
者焉。與孫行高從官軍。事敗奪邑。行高四子。長高。長重。長
生。氏高。皆有武幹。帝至名和港。令忠顯登岸。問塗人豪族
可倚者。答以長高。忠顯乃踵其家。家方宴。忠顯直入傳詔。
長高未答。長重進曰。人之所重。名而已矣。今忝受帝者自
托。事無成否。皆足以揚大名於天下。長高乃決意。計奉帝
于船上山。令長重等五人擐甲走迎帝。跪御舟傍。帝欣然。
長重被薦于甲背。負帝上山。籍木葉進食。長高欲移倉粟
于山。募村民能運一擔者。賞錢五百。一日致五千餘石。乃
盡燒其宅。率百五十騎。以護行在。因樹植柵。列扉為垣。氏

高造布旗數百。煤印近國諸豪章識。張之山上。明日清高以兵三千自山前後來攻。望見旗章不敢進。我兵蔽林而射。射殺將敵八百騎。乃來降。清高在山後。未之知也。更兵急攻。會日且入。大雷雨。長重長生乘而疾擊。擄賊千餘。鑿千餘人。清高單舸逃去。帝授長高左衛門尉。兼伯耆守。賜名長年。子弟拜官有差。義綱高貞以千餘騎至山陰。山陽豪族來屬數十姓。而兒島高德從備前社。帝令高德等從源忠顯攻六波羅。長年子義高初應高時。徵圍金剛山。聞長年應官軍。拔歸。亦從忠顯。忠顯行收兵。得三萬人。遇但馬守護太田守延。擁皇子恒良來會。合兵軍于峯堂。僧

良忠。中男山赤松則村。軍山崎。皆奉兵部卿護良令。與敵山僧徒約。將戡力入京師。而忠顯欲專功。獨進敗走。守延死之。高德義高留而力戰。忠顯在峯堂。恒怯不安。欲卻軍避敵。使使召遠高德等。高德切諫止之。自以三百騎守七條橋。備敵夜襲。夜半。顧望峯堂。炬火稍熠。乃恠而還。遇丹後人荻野朝忠。曰。大將逃矣。高德社視其營。則錦幟仆地。鎧裝狼籍。高德取錦幟。追及朝忠。收潰兵。守高山寺。高時聞金剛山久不拔。遣足利尊氏名越高家助攻。率萬騎至京師。忠顯則村破殺高家。尊氏家聲素著。得新帝密旨。欲犯行在意。持兩端。比及丹波。聞高家敗死。乃屬官軍。遂攻

京師將士競附之。獨高德不欲附。與朝忠別由若狹路入京師。五月。從諸將圍六波羅。結城親光出降。忠顯恐金剛山賊兵解圍來救也。急攻之。伯耆出雲兵。聯車數十輛。積以屋材。傳城火之。城兵逃亡相踵。二帥遂東走。死近江。而金剛山之圍始解矣。捷報伯耆。天皇議還闕。親筮之。遇師之蒙。曰。大君有命。開國承家。小人勿用。乃決議。二十三日。車駕發名和氏。長年帶劍侍右。百官戎服。至播磨。得新田氏捷報。高時已伏誅矣。正成乃以七千騎迎謁于真庫。天皇親勞之曰。今日之事。皆汝忠戰所致。正成曰。不賴陛下威靈。臣安得脫重圍再覩天日哉。詔使正成先驅歸闕。廢

新帝而復位。於是大索賊餘黨。詔以藤原師基為太宰帥。討鎮西探題北條英時。未發。菊池氏與少貳氏大友氏並馳使報鎮西之捷。菊池氏本藤原氏。其先收則者。防元。冠有功。及子則隆。賜肥後菊池郡。世襲。後十餘世。曰武時。是歲三月。武時與少貳貞經大友貞宗。謀應官軍。謀泄。北條英時在太宰府。召武時。武時欲先發。使使小貳大友約期。貞宗依違不答。貞經亦聞京師官軍數失利也。遂斬其使。送首於英時。武時大怒曰。吾誤矣。與此奴輩謀事。奴輩不在。吾寧不能戰乎。乃以百餘騎發。過櫛田祠前。馬俄不前。武時曰。何物牛鬼

一
無發

合龍

苦舍切祠廟也

譙門

門上為高樓以

望遠者

史記陳涉世家年並
與戰譙門中師古注
譙門謂門上為高樓
以望遠者

敢沮義兵。顧射其龕。馬輒前。前攻英時。戰譙門外。克之。前
逼內城。英時將自殺。會貞經貞宗以六千騎來救。武時乃
遣歸長子武重。自與次子四人進戰。死之。已而貞經貞宗
聞京師平。金剛山圍解。則懼。合議攻陷探題府。殺英時。長
門探題府亦為土居得能氏所攻陷。
土居得能氏皆出於河野氏。河野與兒島同姓。世著於伊
豫。承久時。河野通信者死。王事其庶子。分為兩家。曰土居。
曰得能。及元弘時。有土居通治得能通言。皆勇毅好義。是
歲二月。並起兵。應官軍。略地上。佐長門探題北條時直。以
兵艦三百來攻。通治通言逆戰。星岡大敗之。四國兵多來

屬焉。乃熾于今。治欲東攻六波羅。聞金剛山圍解。車駕歸
關。則往兵庫謁焉。時直既為人所敗。走歸英時。英時已
死。則從少貳島津氏而降。於是天下大定。而金剛山潰。兵
聚般若寺。猶數萬人。正成與源定平將畿兵攻之。時治高
直貞藤高資公綱等六十人率眾降。皆處斬。獨公綱以特
旨宥罪。建武元年。帝論賞戰功。以正成為攝津河內守護。
名和長年為因幡伯耆守護。正成任檢非違使。左衛門尉。
特與長年並真決斷所。聽斷訟獄。令天下休兵務農。武人
領邑安堵如故。帝以京師之復。為足利氏之功也。歸關之
日。首趨搆之。至是又管四大國。尊氏猶失望。陰有異心。帝

馬一作

以高時邑自奉。以秦家邑賜皇子護良。以貞直邑賜三位局。三位局即嬪藤原氏。有殊寵。內謁漸行。時諸皇子皆復。故而恒良為藤原氏所生。又生成良。義良意害護良。尊氏潛與合謀。遂構陷之。當是時。帝寢倦政。足利氏資望獨盛。新田氏亞之。正成以下充驅使而已。是歲春。北條憲法作亂。據飯盛山。赤橋重時起伊豫。正成討憲法。土居得能氏討重時。纔平之。而帝游宴自如。益徵珍異。鹽冶高貞獻千里馬。帝出觀之。以為祥瑞也。藤原藤房諫曰。天馬毋用於平世。近日賞罰無信。工役繁興。文臣內諛。武臣外怨。而奸雄窺釁。其間天馬之出。烏知非亂兆哉。帝變色。入藤房驟。

諫弗聽。遂舍官遁去。帝驚使追之。不及。二年春。藤原公宗結北條氏除黨。陰謀大逆。名和長年等奉詔誅之。夏。北條時行等作亂關東。攻陷鎌倉。帝命尊氏往平之。尊氏遂據鎌倉。及帝震怒。冬。遂詔菊池武重等諸將從新田義貞東伐尊氏。正成與名和長年居守京師。直義拒箱根之險。武重時為肥後守。以其兵先登。仰攻卻敵。追北陣山腹。諸軍乃繼進。而列軍攻竹下。敗退。大友貞宗鹽冶高貞叛。降足利氏。諸軍崩潰。武重以四百騎扶義貞而西。赤松則村等並起應尊氏。帝賜天馬於使者。召還義貞。天馬途斃。延元元年。正月。尊氏直義入犯京師。正成以兵五千守宇治。名

填往年切

和長年與源忠顯結城親光以二千守勢多皆受制於新田氏新田氏先失大渡山崎之守尊氏乃入京師結城親光佯降欲刺尊氏不成而死帝幸叡山正成聞之徑赴行在名和長年欲一視宮闕而行還入京師賊軍填塞長年十七戰而至大內則諸殿已為賊兵所毀長年下馬向闕伏泣久之終赴行在信濃人勅使河原某在大渡未知帝所之謂其二子曰吾亡朝之臣何顏事逆臣哉亦還京師自殺于羅城門賊焚宮闕進據園城寺以逼叡山山徒英憲祐覺等贊拒守之計祐覺又受詔以舟七百艘泛湖迎北畠氏兵入援

貴戚十七

貴戚

北畠氏姓源出於其平親王世為名卿及元弘時有顯家焉帝復位以從三位參議拜陸奧守與父親房奉義良親王出鎮東邊結城宗廣世居陸奧與其子親光先歸官軍於是受命副顯家顯家年甫十七固辭乃詔曰文武不可岐貴戚掌軍古之制也顯家赴任東邊無虞尋任鎮守府將軍及帝討足利尊氏詔顯家會軍顯家至鎌倉則尊氏業已西矣顯家并程追之東北兵爭附顯家凡五萬人至近江攻六角氏賴觀音寺城拔之斬首五百級遂至叡山諸將因會議戰或欲速襲之止成等然之即夜顯家與諸將攻破園城寺新田義貞遂復京師而夜為賊所逐襲賊

鈕女九切凡物鈎固者皆曰鈕

退陣上
一有皆
字

還。尊氏復入。當是時。諸道賊軍悉聚京師。凡數十萬人。而官軍不滿十萬。諸將分將之。復攻京師。兵各可二萬。正成將五百騎。軍于紅林。縱火于出雲路。尊氏令上杉憲顯。足利高經等。以東國騎兵五萬來衝擊之。正成豫造楯數百。鈕而聯之。自蔽以射。賊卻。輒縱騎乘之。賊辟易逃走。顯家義負。遂擊走尊氏。而日暮。義負欲留陣京中。正成往說之。曰。今日我軍克而少所獲。以寡兵屯京中。鹵掠四散。盡懲前日之敗。使敵復振。後難為力也。我且引還。養銳再舉。以驅敵於數百里外。是全勝之策也。義負然之。乃退陣坂本。尊氏收諸軍。復入京師。正成素蓄卒善泣者。旦日教其

英陳西切明也書英華時甲子昧爽傳英英早且

卒與僧數人行物色。原隰賊兵聞故。輒泣曰。昨日之戰。七將皆沒。將獲尸葬之。尊氏聞而大喜曰。彼戰勝而退。有以也。乃索義負正成首。獲稍肖者。梟之以示於眾。其夜。正成遣卒數千。執炬北走。累累不絕。尊氏軍望見。謂官軍喪其將領而潰去也。急分其兵。四出要擊。在者不復設備。正成與諸將合兵。夜發。昧爽。直薄尊氏軍。縱火鼓譟。尊氏軍大潰而走。委甲蔽野。官軍不甚追賊。前者顧後者。以為追兵也。往往自殺。死亡大半。二月。尊氏直義走于湊川。官軍追擊。與直義戰于豐島。勝敗未決。正成後至。遠出敵後。直義不戰而走。會土居通治得能通言。以舟師來援。擊破賊。先

鋒大友貞宗兵復擊走直義。尊氏終令赤松則村守播磨而航海走鎮西。菊池武敏武重弟也。時在肥後。聞少貳賴尚發兵迎尊氏也。將三千人追之。至水木渡。賴尚已濟。餘衆待舟。武敏擊殲之。遂攻少貳。貞經于內山斬之。遂與尊氏戰于翰濱。有叛降者。武敏敗。歸菊池城。城尋陷。武敏逃匿山中。於是九國悉附尊氏。尊氏之西也。正成欲窮追之。義貞遷延。及三月乃發。攻赤松則村于白旗城。城固不拔。義貞弟義助說之曰。嚮楠氏據金剛山。北條氏舉天下兵攻之。不克。竭力一城而顧失天下。君盍監焉。聞尊氏已并九國且東上。君宜分兵圍城。而急拔舟坂。以徇山陽。義貞

乃令義助攻舟坂。舟坂賊兵據險不下。初尊氏犯關。山陽皆應之。獨兒島高德以孤軍攻福山城。不克。其兵連叛。乃逃三石山。及聞義助攻舟坂。則喜。遣間使告曰。三石之南有間道。可以出舟坂之背。吾起兵于熊山。使賊分兵。公則一軍由間道夾攻之。必拔舟坂。舟坂拔。則西國無不服者矣。義助大喜。與約期。先期一夜。高德與父範長上熊山。倉卒不及聚族。人兵僅二百。天明舟坂賊果分三千人。七道來攻。高德防戰重傷。終奮擊走賊兵。而義助潛軍出賊後。遂拔舟坂。遣一將據福山。赤松則村馳使告尊氏曰。白旗城陷。則公雖有衆。莫所用之。尊氏乃大舉東上。水陸並進。

據太平
記等書
陣西川
死者乃
範長高
德非賊
其北地
未如其
所原

一作

福山城陷。義助引兵退。菊池武重殿之。賊舟師上陸。陣西川尾。高德聞之。欲合於義助。踰山而東。創劇。範長託之僧寺。以八十餘人東走。會義負已釋白旗圍。赤松氏兵三百騎見範長過。呼曰。敗卒盡釋甲降。範長笑曰。嚮尊氏百方招我。我輒毀其書投火。今曷降汝輩哉。潰其陣出。賊傳呼敗卒過。土兵羣起。範長悉亡其兵。所餘者六人曰。悔我不舉族來。乃伏。又死。賊軍乘勝而進。義負軍兵庫。飛書告急。朝廷震動。時北畠顯家已歸鎮。京師兵寡。帝命正成行援義負。正成答曰。尊氏新舉九國而來。其鋒甚銳。我以疲兵格鬪。無他奇道。其敗必矣。為今計者。陛下復幸叡山。召還

櫻井 馭在攝津

義負。縱賊入京師。而臣歸河內。絕其糧道。則賊兵日散。我兵日聚。於是夾而攻之。可一戰而破也。義負之計。蓋亦出此顧慮。入言耳。戰道非一。要歸於勝。願朝廷再計之。諸公卿皆然之。獨參議藤原清忠不可。曰。賊雖衆盛。不過如前役。王師有天命。宜防之外也。帝從之。正成退。謂其子弟曰。事已至此。何必抗議。五月十六日。與弟正季子正行等。辭關而西。至櫻井驛。正行時年十一矣。正成遺歸之河內。誠之曰。汝雖幼。已過十歲。猶能記吾言。今日之役。天下安危所決。意吾不復見汝也。汝聞吾已戰死矣。則天下盡歸足利氏可知也。慎勿計較禍福。嚮利忘義。以廢乃父之忠。昔

日本外史

卷之五

二十一

圖及武
朝申狀
政作武
吉武吉
是武時
第七子
武重之
弟武光
之兄

能任上事。正行大悟。自是以討國賊。復父讐。為志。常與兒
童嬉戲。為馳逐狀。曰。追足利也。為斬首狀。曰。獲尊氏元也。
楠氏族黨多死。湊川。而河內紀伊之間。猶有義故存者。皆
思戴正行。當是時。天子避賊於叡山。名和菊池。土居得能
氏皆從義貞。杆禦。源忠顯戰沒。官軍遂出攻京師。路人指
名和長年曰。正成忠顯等既死。獨有此人。及戰大敗。長年
退至大宮巷。自閉後門。與二百人。力戰死。冬。尊氏佯降。請
帝還闕。菊池武重等從之。皇子宗良走遠江。懷良走大和。
義貞以詔奉皇太子恒良。及尊良親王。之北。國土居通治
得能通言等從之。通言與族通繩殿會大雪。至鹽津。迷失

光明帝北朝

道。適值賊兵。將士東飢。不能操兵。三百人皆植刀于地。伏
之。自貴而死。通治與諸將守金崎城。城陷。力戰自斃。尊良
薨。太子被虜。入京師。帝之還闕也。尊氏已擁立新帝之弟。
是為北朝光明帝。請帝傳神器焉。帝弗聽。尊氏囚帝于花
山院。殺從行者僧祐覺等。拘執其餘。獨三條景繁得侍。景
繁潛進計。逃幸大和。帝夜服婦人衣。由壞牆出。扶上馬。景
繁荷神器從。夜方黑。逢赤電照路。比曉。達穴生。遣景繁諭
吉野僧宗信。宗信嘗助將軍護良者。於是先衆來迎。正行
聞而大喜。與從弟和田正朝等馳赴之。護駕入吉野。河內
紀伊將士相踵來衛。官軍復振。帝思正成死王事。追贈正

日本外史

卷之五

十一

按中將
舊誤作
少將今
改之

三位左近衛中將。敘正行正四位下。為帶刀。遂襲父官。任
檢非違使左衛門尉。兼河內守。於是建行宮于吉野。號令
四方。先是。菊池武重從帝被拘。候守者懈。逃歸據菊池。帝
因拜皇子懷良為征西將軍。赴菊池。大館氏明亦逃。如伊
豫。上居通治子通鄉。得能通言子彈正。迎而起兵。北畠顯
家弟顯信亦起兵於伊勢。而顯家討國內叛者。據靈山。明
年秋。顯家欲入援行在。得結城宗廣等兵。奉義良親王。軍
白河關。兵來屬者數萬人。進與尊氏子義詮相拒利根川。
齋藤實永亂流先渡。全軍繼之。水激於西岸。賊兵漂溺。敗
走。顯家追北。攻義詮於鎌倉。走之。三年春。與宗良親王合

不利一
作少利

兵。偕赴京師。賊兵人起擁後。顯家回戰于青野原。破之。聞
尊氏遣高師泰來迎。乃轉出伊勢。師泰尾擊顯家。回戰于
雲津川。破之。上南都。結城宗廣曰。避敵於行宮。不若據賊
於王城。顯家從之。逢賊兵逆擊。顯家敗走。乃使兩親王赴
行宮。自收敗兵。軍安部野。五月。高師直來襲顯家。與一
餘騎衝圍而死。名和義高死之。宗廣走歸吉野。師直遂圍
顯信於男山。顯信善拒。出擊不利。賊縱火登城。城兵擊走
之。已而糧竭。潰圍走河內。帝初遣廷臣將兵救顯信。又詔
北國將士援之。義貞欲驟赴援。兒島高德從在軍中。說曰。
前日之敗。以賊絕我糧道。今無若遣數千人據叡山。取糧

北陸而時出擾京師。是深根固蒂之策也。請貽書山徒焉。義負從之。山徒肯之。義負遣義助赴之。望男山火。遂巡而去。尋義負戰死。結城宗廣請及顯家餘威未盡。收東邊兵。帝令宗良親王先發。至遠江待之。遂以顯信襲其官職。與親房及宗廣奉義良親王。海路赴任。遇颶於天龍洋。舟四散。親房抵常陸。宗廣至安濃津。顯信與義良親王抵篠島。宗廣病死。四年二月。顯信奉親王歸吉野。先是皇太子及成良親王皆為尊氏所燒殺。乃立義良為皇太子。八月。帝獲疾大漸。乃遺詔曰。朕憾不滅國賊乎天下。雖埋骨於此。魂魄常望北闕。後人其體朕志。竭力討賊。不者。非吾子孫。

顯一作

後村帝即位

非吾臣屬。按劍而崩。帝已崩。群臣氣沮。欲逃散。信力言止之。已而正行與正朝率兵二千來衛。衆情大安。於是相與俱奉太子。拜神器。即位。是為後村上。天皇。頒先帝遺詔於四方。興國元年春。上居通鄉。得能彈正等奏。請得一將帥。會新田義助戰敗。與兒嶋高德等來詣吉野。因詔義助赴伊豫。無幾何。病死。高德等逃歸備前。五月。賊將細川賴春來攻河江。通鄉彈正推金谷經氏為將。舟師赴救。直賊海上。戰不利。轉攻取鞆城。據之。拒賊十餘日。聞賴春已陷河江。將攻世田。勸經氏救之。選死士三百。選凶日而發。與賊七千戰於千所原。盡亡其卒。與經氏等十七騎潰圍。

河江伊豫

日本外史

卷之五

十一

耗力
虛到切虛也
莫報切乱不明

運一作

走備後。自是西南官軍不振。是歲北島顯信居白河。親房居小田。賊將高師冬以大兵來攻。親房請援於結城親朝。親朝宗廣子也。宗廣臨死遺言討賊。而親朝送款於尊氏。以故不輒援。數月。城將出降。親房走保關城。親房從子顯時保大寶城。賊陣二城間。父子數出力戰。而城且陷。親房間使告顯信。使率親朝子弟來救。親朝擁之不遣。四年春。親房手書切諭。親朝弗聽。遂降賊。親房走歸吉野。自是東北官軍不振。顯信留居陸奥。於是四方勤王之師所在耗散。而足利氏勢威擅天下。正行在金剛山。漸保聚義。故時出兵攝津。縱火挑賊。正平二年秋。尊氏令細川顯氏將三

千騎來攻。未至金剛山七里。止舍。聞正行且攻箭尾城也。欲俟其離山而絕其後。正行謀知之。以七百人。行火聚落。為向箭尾。而還伏于譽田林。敵望火起。輒趨山下。亂隊疾馳。過林。遇伏起。大駭敗走。退守天王寺山。名時氏以六千騎來援。軍于住吉。正行曰。先破時氏。則顯氏不戰而走。分兵二千為五隊。進向住吉。時氏分兵當之。正行視北軍塵起。曰。敵陣四處。而衆倍於我。我不可分兵也。乃復合五隊。為一疾行。擊時氏麾下。時氏被創。走歸顯氏。顯氏軍亂。走過渡部。弱者無數。京畿震駭。正行援溺卒五百人。與衣甲禮而遣之。多願留仕者。正行遂進逼京師。尊氏大懼。乃發

一無帥
字一無
南字

宸音辰室之與者後
人稱帝居曰宸
天子居北辰宮蓋
做北辰星也

稟稟之俗字稟
力錦
連鳩三切共有受
之訓

二十餘州兵以高師直統諸將帥以南擊正行正行與弟
正時率諸宗族詣行宮因中納言藤原隆資上言曰先臣
正成嘗以微力挫強賊以安先帝宸憂及天下再亂逆賊
四襲遂致命於湊川臣特年十一命歸河內囑以收合餘
燼報復國讐臣年已壯矣而稟性羸弱常念不及今力戰
以有待之身罹無虞之疾上為不忠之臣下為不孝之子
而今賊渠帥大舉來犯是真臣致命之秋也非臣獲彼首
則授臣首於彼臣生死決於今日切希得一拜天顏而行
隆資入奏帝揭簾臨視將上前行勞之曰曩日兩捷大
殺賊勢甚慰朕心朕深嘉汝世忠今賊悉銳而來真安危

淚一作
流

四條畷在河內

綴竹者切礼學記礼
者所以綴淫也註
綴猶止

餉古支餉式亮切餉也

之決矣雖然兵之進退貴於從宜朕以汝為股肱汝其自
愛正行俯伏垂淚而出辭訣後醍醐帝廟題族黨百四十
三人姓名於廟壁然後上途帝使隆資援之明年正月北
軍至四條畷分為五隊四隊在前左右相向而師直中軍
遙居其後兵凡八萬騎正行使隆資綴賊前軍而自將三
千騎直指其中軍賊前隊馳而避之正行以先鋒擊破而
過賊隊又至與我後軍戰我後軍終敗走正行不顧以三
百騎直前賊將細川清氏仁木賴章等更進遮鬪正行盡
破之乃聚其騎馬皆重傷乃舍馬踞隴而餉賊眾環視不
敢迫開其走路皆合於中軍正行餉畢起謂眾曰必與師

中堅 中軍兵最精銳
故曰中堅

直決死進衝其中堅我兵殊死戰無不一以當百賊軍披靡正行進逼師直師直臣偽稱師直死正行大喜拋首于空而手承者三軍士有告其實者正行投頭于地蹴且罵曰唉汝亦無雙國賊矣已而曰其勇可嘉也自斷袖裹首置隴上復進索師直望見其幟欲追之正朝曰彼騎我步不可及也不若佯走誘之乃與殘兵五十餘人負楯以北師直不肯追令其裨將以數百騎尾擊之正行大呼返戰追走復逼師直相去數步而我兵自晨至晡三十餘合力索莫能起正行注目於師直勉衆前進敵連射之正行身被箭如蝟乃呼曰已矣勿為賊所獲與正時相刺北向而

一作

勿一作

索サ蘇各切書誓惟家之
索傳索畫也

斃年二十一餘兵皆自刎斃和田賢秀正朝弟也獨混敵卒伺擊師直楠氏卒湯淺者降在賊軍識見賢秀從後斬之賢秀瞑眼視湯淺湯淺懼後獲疾死正朝欲還秦狀有一賊呼曰忍獨亡乎正朝笑而逃之賊乃走如此者數賊數騎至正朝遂死於是百四十五人悉死之賊軍進犯行宮帝逃入穴生賊縱火索之正行弟左衛門尉正儀出兵於石川與高師泰相持師直則不敢深入引兵而去四年島山國清來代師泰正儀益堅守五年足利直義與尊氏有隙乃來降朝議納為大將國清等附之六年詔正儀助直義擊尊氏京師走之已而直義叛去遂走關東尊氏

日本外史

卷之五

廿六

墮徒果切也怨字
刺書毀也
見世榮表

三一作
二非

欲往擊之。而恐楠氏窺後也。則使子義詮佯降。請帝歸闕。帝知其情。亦佯許之。尊氏乃東。七年正月。正儀與族和田正忠等將兵七千。奉乘輿軍于男山。兒嶋高德時削髮來在吉野。奉密詔。往促東北諸將。拜宗良親王。為征東將軍。使並來援。北畠顯能。顯信弟也。為伊勢守。舉兵數千先來援。自鳥羽入。正儀正忠將五千人。夜涉桂川。至大宮。黎明賊將細川顯氏來迎。我兵圍擊。斬其從子八郎。細川賴春繼至。巷戰。正儀接楯為梯。外屋下射。賊兵卻。縱騎乘之。賴春馬驚而墮。正忠兵槍刺殺之。義詮遂走近江。帝使人取北朝三帝置軍中。當是時。將軍宗良率新田氏族擊尊氏。

難他計切障草也也又
也徒草也故曰難也
也徒直几切則音
難夷別名

於武藏。不利。義詮得兵三萬。返陣東山。顯能三退其陣。賊軍進攻男山。帝召正儀正忠等拒戰。正忠年十六。入奏曰。建武以來。臣族類大半為此賊所殺。今日之戰。公討國賊。私復家仇。不斬其一將。不復還謁。與正儀合兵三千。據紫坂。細川清氏上岐康貞以六千騎仰攻。康貞有驍名。先數而進。正忠揮難刀斬之。乃還謁。遂與正儀拒更科。不利。左兵衛督藤原康長夜襲賊營。而賊圍男山益密。正儀正忠受詔還河內。聚兵夾攻。會正忠疾作暴卒。正儀未發。賊急犯行在。帝擐甲上馬。潰圍南走。賊兵追之甚急。藤原隆資以下三百餘人死之。箭及御鎧。藤原康長力戰得達吉

野委神鏡於路。名和長生收之而還。將軍宗良及新田桃井氏自東北。土居得能氏自西南。並入援。聞男山陷。皆還。是役也。賊將山名時氏有功而無賞。怒而來降。足利直冬亦降。請攻京師。詔令諸將助攻。十一月。正儀等擊賊將佐佐木秀綱于渡部。敗之。八年。六月。諸軍攻京師。正儀以弓手五百挑戰。時氏繼之。遂擊走義詮。時氏等以其寡引還。十年。直冬時氏復發兵擊尊氏。走之。正儀時氏與義詮戰于播磨。糧盡引還。是歲。將軍宗良與仁科足助諸族起兵。少應者。北畠顯信為結城氏所攻。走歸吉野。遂西走依菊池武光。武光亦武重弟也。及武重死。嗣統其衆。屢討賊黨。

大友少貳氏。十三年。武光討一色直氏于筑前。大克之。大友氏時少貳賴尚等皆降。武光時尊氏已死。義詮遣兵助氏時。賴尚擊武光。武光方討島山國。久于日向。氏時據高崎。絕其歸途。武光不顧。進攻國。久走之。乃還。氏時不敢要擊。十四年。賴尚以兵六萬來攻。武光發八千人。奉將軍懷良夾筑後河而陣。武光以銳兵先涉。賴尚卻。保大原。武光夜遣子武政等潛兵。因河水亂軍聲。以襲之。獲賴尚二子。因大戰。懷良被創。北畠顯信等死之。武光身先士卒。馬傷。曹裂斬一敵將。奪其馬。與曹復進。竟大破之。西南官軍復振。賊將島山國清建議。大舉滅楠氏。以奪官軍根本。正儀

與和泉守和田正武詣行宮。奏曰。聞國清舉關東之甲。已至京師矣。而臣知其莫能為也。兵道有三。曰天時。地利。人和。明歲大將軍星在西。而彼自東來。違天時也。我所居。負山帶河。形勢深阻。毋論千窟之圍。爾後敵五來皆敗。違地利也。國清借公營私。為等儕所嫉。違人和也。三者皆違。雖有百萬。何能為。請徙御金剛山。臣等拒石川。使別將出龍門。時出輕兵。出沒散合。使敵不知我所在。東兵慄悍。氣屈而退。退即追之。必大克。帝從之。明年春。正儀等修平岩箭尾龍泉三城。益樓堞。張形勢。而自居于赤坂。義詮國清合兵三十萬入犯。軍于筒山。以逼楠氏。以一軍自龍門入大

納言藤原隆俊擊克之。賊更兵來攻。隆俊大敗走。帝遣將軍興良援之。興良叛。應義詮燒行宮。據銀嵩カサカサ。帝令前關白藤原師基討走之。龍泉城將措疑兵而退。賊不敢迫。至五十餘日。乃攻取之。遂攻陷平岩箭尾。合軍圍赤坂。正儀欲退守金剛山。正武曰。子知鼠乎。見人則竄。世將笑曰。南人抗天下。而鼠鬪而已。何不一戰以挫賊鋒。然後退。為未晚也。乃選三百人。約以暗號。夜出斫結城氏營。大戰不克。而入。令眾唱號坐作。有四敵卒雜焉。捕斬之。乃與正儀退入金剛山。賊軍引還。正儀正武出絕渡部橋。攻譽田城。國清復來攻。又退入山。會國清與仁木義長相惡。賊中大騷。我

真爭起。國清東歸。正儀攻水速城。拔之。官軍乘勝連下諸城。義長來降。帝北幸住吉。詔征東將軍宗良發兵入援。以岐蘇早雪不果。十五年。征西將軍懷良與菊池武光以兵三千出宰府。少貳賴尚大友氏時與松浦黨謀夾攻武光。武光縱反間。因襲松浦軍。敗之。賴尚等亦走。去歲之役。賊將赤松光範有功。而佐佐木道譽譖之。奪其攝津守護。國人憤怒。正儀正武伺知之。九月。以兵五百出軍于天神林。佐佐木秀詮與弟氏詮以千餘騎渡神崎橋。正儀等使人行呼曰。南軍自西來矣。秀詮聞之。回馬西嚮。徑田單列而行。正儀遣輕卒三百夾射之。賊兵爭徑欲還。正儀正武薄

細川諸
本誤作
山名

擊走之。斬秀詮氏詮溺水者二百餘人。正儀援之。給衣遣歸。細川清氏亦與道譽惡。遂來降。奏曰。義詮兵西拒山名時氏。東拒仁木義長。臣請乘虛復京師。帝詔之。正儀正儀對曰。正師嘗攻京師。五得而五失。今苟欲得之。臣一人力可辦。何假清氏為。獨病復失之耳。行宮君臣皆戀故都。遂令正儀與清氏共攻京師。義詮不戰而走。未幾。義長敗。時氏退。而義詮軍振欲犯行宮。絕我軍後。我軍留京師二十六日而還。清氏戰死。讚岐四國悉叛。正儀正武議曰。近日之勢。不可坐視。須一戰以振諸國官軍氣也。八月。以騎八百。土真數千。軍神崎株瀨二處。賊分兵阻水拒之。正儀等

日本外史

卷之五

三

張篝火其營。而潛兵涉三國渡。遠出賊背。賊謂北軍來援也。天明。顧視其旗。皆菊水。菊水者。楠氏號也。而大驚潰去。正儀。正武。進拔赤松氏一城。火其庫而還。於是北畠顯能與仁木義長並略伊勢。菊池。武光。畧筑紫。義詮遣足利氏經。充鎮西探題。武光使弟武義。族重經將兵逆擊之。武義傷走。重經更進。斬少貳賴資。武光繼至。軍于豐後府。擊走氏經。十九年。大內弘世以周防長門叛。降義詮。并厚東氏邑。厚東怒。降於武光。與弘世戰。豐後走之。已而武光病卒。子武政。襲肥後守。山名時氏。仁木義長亦降義詮。官軍不振。二十三年。天皇崩。皇太子寬成即位。是為長慶天皇。天

皇建德二年。賊將細川賴之。大舉入寇。和田正武率楠氏族。堅守諸城。賊軍引還。文中二年。細川氏春復入寇。大納言藤原隆俊死之。天皇讓位於皇太弟熙成。是為後龜山天皇。天皇幼。聰敏人冀興復。而楠氏衰。國勢日削。義詮既死。子義滿嗣。勢益張。我將士多叛。降北朝。紀伊諸城陷。三年。關東賊兵屢攻。征東將軍宗良於信濃。宗良不能拒。走歸吉野。東北無復官軍。征西將軍懷良猶依菊池氏。保守一隅。先是。明使來。元使使來。征西府以其書辭無禮。卻不納。明主更貽書於北朝。北朝納之。以征西府梗其往來。遣今川貞世。充探題來攻。菊池武政與其子武朝相繼拒

戰屢克之。已而懷良與武政武朝前後皆病卒。西南無復官軍。於是義滿專圖楠氏。天授四年遣山名氏清等入寇。楠氏族橋本正時神宮正種等力拒。不克而退。六年和田正武病卒。弘和二年正儀亦卒。當是時官軍所保獨金剛山一城而已。元中九年義滿使畠山義深將數千騎來攻金剛山。四絕糧道。城兵僅數十人。飢不能戰。賊急薄之。城兵逃走。匿于津川。自正成築城焉。凡六十年。乃為賊兵所陷。義滿乃使大內義弘來講和議。約傳神器於北朝。則兩統更立。遂許之。是年冬遂備法駕發吉野。御于大覺寺。以父子禮授神器于後小松帝。後七年義弘揚兵於和泉。擊

薛子
魚列切庶
子也蓋妾
隸之子
又未子之
意欲未詳

披義弘
揚兵後
十三年
為應永
十九年
是歲後
小松謀
位於稱
光月後
年一十
關永亨
五年甫
崩此言
後小松
崩誤

足利氏。楠正秀以兵百餘屬之。正秀者蓋正儀子也。菊池氏此畠氏餘孽亦來屬焉。戰敗散歸。後十三年後小松崩。後龜山皇子當立。足利氏乃立後小松皇子是為稱光帝。楠氏及北畠氏並訴之。欲如約。足利氏弗聽。則並起兵。足利氏約。帝後當傳於南朝皇子。乃止兵。及稱光崩。無嗣。足利氏復索北朝皇族立之。後龜山天皇之子曰小倉者。自京師走伊勢。依北畠氏起兵。戰敗講和歸京師。削髮入萬壽寺。又十餘年。歲癸亥。足利氏內亂。楠氏郎收南國兵得三百人。奉萬壽寺金藏王者為主。分兵為二隊。二郎自將一隊而越智。其將一隊夜入大內。取三神器。內侍鏡為東

金藏主

日本外史

卷之五

三十一

門衛士所奪寶劍遺於清水寺側。獨擁神璽。據叡山中堂。足利氏管領畠山基國遣兵來攻。二郎與越智皆戰死。金藏主自殺。二郎者不詳其所出也。二郎殘兵以神璽奉後醍醐帝。曾孫某保吉野。歲戊寅。赤松氏遣臣二人詐來仕。弒皇曾孫。從者追殺二人。其人遂奪璽而去。先是後村上天皇子泰成生。圓胤為圓滿院僧正。蓄髮更名義有。癸亥之難。楠兵郎之弟某奉義有起兵。據八幡。迎擊畠山氏兵。大破之。細川氏來攻。楠氏不利。逃入紀伊。據湯淺城。歲丙寅。畠山氏將游佐來攻。楠氏又擊破之。丁卯冬。游佐復聚兵來攻。城終陷。義有遇害。楠某死之。楠氏之事終於此。

一
無私
字

母復所親。名和兒嶋土居得能氏。蓋先楠氏而亡。後楠氏而存者。菊池北畠氏。菊池氏數世。至義宗者乃亡。北畠氏十餘世。至其教者乃亡。此二氏者。自楠氏衰。皆降足利氏。或曰。楠正儀亦降足利氏。蓋有深謀焉。史乘散佚。不可考信。要之。正成宗族。與後醍醐皇統相成終始。楠氏亡而後二百餘年。權中納言源光國。私立石于湊川。題曰嗚呼忠臣楠氏之墓。外史氏曰。余數往來攝播間。訪所謂櫻井驛者。得之山崎路一小村耳。過者或不省其為驛跡。蓋經足利織豐數氏世故變移。道里驛程隨輒改耳。余於是低回不能去。願望

值直吏切

障江河回天日謂挫

強賊後帝位於京師也

碎

措如拳措倉故切

金剛山巖立雲際想見公舉義之秋及其子孫據以扞護
王室也觀公詣行在對天子曰臣而未死賊不患不滅夫
以一兵衛尉而居然以天下之重自任豈非感激值遇以
身許國哉故能以赤手障江河回天日於既墜何其壯也
公聚北條氏精銳於一城之下而使新田足利之屬擣其
空虛以殄其渠魁帝之復辟疇爵任職宜以公為首而纔
能與結城名和輩比肩其失於舉措足以知中興之無成
矣及足利氏叛朝廷方倚新田氏為重公特充禰裨供其
驅使亦以其門地有不若焉爾然京師大捷殆致掃殄者
非因公之策邪嚮使帝以其所任新田氏者以任於公乎

漸

光武紀曰河水漸斷
漸音漸水解也
又漸水索也
楊子方言漸也

曷至使犬羊狐鼠之賊蹂躪吾朝廷哉然觀其臨死戒子
又曰吾死天下悉歸足利氏夫知天下之不可為而猶留
其子孫以衛天子其設心雖古大臣何以遠過故子孫能
守其遺訓護正統天子於彈丸黑子之地以防四海寇賊
者及三朝五十餘年之久舉一門之肝腦而竭諸國家之
難至其漸盡灰滅而後足利氏始得大成其志於天下蓋
朝廷不能大任楠氏而楠氏所以自任莫以加焉世之論
中興諸將尚視其資望大小而不深揆其實亦與當時之
見等耳不有楠氏雖有三器將安託焉以繫四方望哉豈
置夢兆於是益驗而南風不競俱傷共亡終古莫以恤其

日本外史 卷之五

終如甚切 殺熟也又
凡積久者亦曰終
觀 几利切 音冀
言器切 音冀
襲私列切 穢也

起義重與之有隙以大炊助終其身子孫不過曰上野一
武族而義康遭遇事變頓進官爵又與源義朝同娶於熟
田故子孫受賴朝親昵又世結婚於北條氏互相倚賴著
於鎌倉後醍醐帝之未起事蓋檢聞足利氏之為強宗也
是以及聞其倒戈遽許寵爵其褻玩朝廷覬覦非望帝有
以啟之而新田氏之功勞遠出其上者則待二家交訟之
日然後知之及尊氏叛逆乃命義貞宗族以防之而其勢
既成不可復遏可勝歎哉世或謂義貞族望不及尊氏故
不能獨立而倚朝廷以為重余以為不然朝廷倚新田氏
非新田氏倚朝廷也新田氏將帥材武部屬精勁非足利

血

衣纓謂搢紳家

制軍肘不任於人也

唐書陸贄傳
步盡切 斃也

尤襄高年与晋路
之注語也蒲北切

又敷豆切

合可任則當要之於
終不宜掣肘於內
也

氏所企及而數竒收歟終至消亡者無他故也天下厭苦
朝政而謳歌武治故利尊氏之營私而不便義貞之奉公
不得已而從之勉強而赴戰雖以衣纓之褊裨畿甸之召
募掣肘牽累動不如意為之將帥者豈不難哉嚮使義貞
亦出足利氏所為則介冑之族將雲合霧集而歸之而足
利氏焉能加之天下之事皆可圖也何至困踣如此哉是
其禍福利害雖三尺童子亦能知之義貞寧有不知而終
不改其節者豈非以己任王家倚賴不忍倍畔也邪否則
源氏之統其歸新田氏久矣是寧可以成敗論也且夫將
門之有統非必如帝室也況足利氏之所謂將軍者始於

日本外史

卷之六

二

一無云

其第三世如其父其祖皆非受命於正統之朝也受命於正統之朝而為將軍者乃護良成良二親王而非必有其實至於中興總戎之寄固屬義貞云余之列敘兩家也以此然新田氏起義由於護良親王而足利氏謀逆亦以此為首故附見焉云

新田氏出於源義家義家第三子曰義國敘從五位下任式部太輔嘗入朝途遇右大臣藤原實能實能從者叱辟之墮馬義國隸士怒焚實能宅義國坐謫上野生二子義重義康義重食新田郡義康食足利郡治承中平氏失政源氏競起義重集兵據寺尾城源賴朝起於鎌倉招之不

答及賴朝定關東與義康子義兼等並往歸焉賴朝欲娶義重女為妾又不肯遂與有隙及奏請諸源官爵義重纔得襲父爵任大炊助有子二其第二義包為嗣義包生義房義房生政政氏生基氏基氏生朝氏凡六世皆襲邑新田遂以為氏旗用白旗號中黑脇屋里見大館堀口鳥山羽川山名桃井井金谷細谷江田大井田德川世良田諸族皆新田氏自出分處上野越後而皆役屬於北條氏北條高時之遷後醍醐天皇於隱岐也楠氏起兵于金剛山高時遣關東將士攻之朝氏有子曰義貞亦在遣中焉已而城固不拔東兵多逃亡義貞召其家宰舟田義昌

語之曰。源平相制。並護王家。自古之爲然。吾雖無似。忝列源氏。曹奮。特以時勢。爲北條氏所驅使。遂敵官軍。豈其本心也。吾視高時近狀。亡滅非遠。吾欲歸我國。舉義兵。上以除宸憂。下以興家聲。而非有所受命。不可安得。大塔宮。今旨。則吾事成矣。大塔宮者。帝第三子。護良也。護良初疾。北條氏專權。與帝密謀。討滅之。敘二品。任兵部卿。充山門座主。號尊雲。居大塔。世因稱大塔宮。及謀泄。東兵來執。帝護良先謀知之。故帝逃置山。而自與弟宗良將。直邀擊破賊。已而兵潰。與宗良分路走。匿南都般若寺。置置既陷。宗良就擒。賊遣兵圍寺。護良潛經函中而免。遂與從士九人

餉古文餉式亮切

爲道士裝。負笈南走。至十津川。依土豪戶野兵衛。蓄髮。娶兵衛族女。賊聞之。購其頭千金。護良逃入吉野山。明年五月。起兵吉野。據寺爲城。又遣從士赤松則祐。諭其父則村。起兵播磨。已而賊將二階堂貞藤等大兵來攻。護良親戰不支。城遂陷。從士村上義光。僞稱護良死。護良遂匿高野山谷間。指使山寇。以助楠氏。又奪賊糧餉。義貞頗知其蹤跡。而未詳所在也。故謀於義昌。義昌乃使三十人爲山寇狀。而自爲仁平關下山下。山上寇見之下援。義昌生得之。縱其一人。通意於護良。護良素知新田氏名族。大喜。卽爲令與之。權用詔辭。義貞感喜出意外。翌日。稱病東歸。與子

義顯弟協屋義助等謀討高時。高時未之覺也。以金剛山久不拔。官軍並起。益調發兵食。新田素多豪戶。因課六萬錢。限以五日。縱吏卒催迫。義貞以奴輩亡狀。敢踏籍我地。遣兵捕其吏。梟首里門。高時聞而大怒。下令擊新田氏。新田氏會議。或曰。拒利根川。或曰。赴越後。依其宗族。義助進而言曰。二者皆非計也。坐待強敵。情見形屈。則我兵內潰。一敗塗地。使人曰。新田氏狀使者而誅死。死一也。寧死於王事。今雖匹馬單兵。出徇於國中。眾附則進攻鎌倉。不則戰死。孰與坐取誅殺乎。眾以為然。乃起兵。大館宗氏堀口貞滿。岩松經家。里見義氏。江田行義等百五十騎。推義

按三年
舊誤作
二年今
改之

貞為將。豎旗下邑生品祠前。以舉義焉。實元亨三年五月八日也。義貞拜讀詔書畢。進陣于笠懸野。比日暮。利根河側塵起。有兵至。可二千騎。眾謂敵來矣。漸近則越後宗族來援也。義貞驚喜曰。諸君來何速。何以知吾舉義。大井田經隆伏鞍而對曰。今日羽黑俊賢來徇國中。是以馳至。在遠境者。明日當至。俊賢經隆弟善走者也。明日越後全兵及甲斐信濃諸源。以五千騎至。乃合兵。進入武藏。近國將士不期而會者。一日二萬人。軍于入間河北。高時聞義貞起事。不以為意也。發兵十一萬。以族貞國貞將之。前後來擊。貞國抵河南。望見新田氏軍甚盛。乃不敢進。而義貞

詰朝去吉切詰朝明且也尤信七年

詰朝相見 說文長箋本作詰朝詰古誓字借明也故明朝為詰朝今俗作詰詰形誤

一無人

已亂流而至大戰于武藏野。兩軍皆東國驍兵。素習騎戰。地亦平曠。射戰罷。即相馳突。凡三十餘合。乃交退。且日又戰于久米河。每戰。鎌倉兵死傷輒倍。高時使弟泰家以生兵數萬來援。夜抵其軍。義貞不察。侵晨又戰。不利而退。泰家益輕新田氏。曰。敵中必有斬致。義貞者皆釋甲飲酒。相摸人。三浦義勝心素嚮義貞。率兵六千來屬之。義貞禮而詢計焉。義勝曰。方今天下分崩。勝敗互變。而天命所歸。終有在焉。公幸并僕兵。可以一戰。義貞曰。以疲兵當新勝之眾。若何。曰。戰勝而將驕。卒懈者。敗。泰家之謂也。敗北已備。不足畏耳。詰朝之事。僕請為公先焉。且日卷旗徐進。敵相

指語曰。嚮聞三浦氏應徵而至。是也。俄而義貞等翼而進。三面掩擊。泰家軍大敗。貞將一軍與小山千葉氏戰于鶴水。亦大敗。皆走入鎌倉。八州豪傑響應。爭歸義貞。義貞進至關戶。兵凡十二萬騎。分為三軍。三道攻鎌倉。大館宗氏。江田行義。自極樂寺堀口。貞滿。大島守之。自兒囊坂。義貞。義助。自率諸將。自假柵坂。縱火五十餘所而進。鎌倉震駭。而北條氏見兵猶十餘萬。分拒三道。義貞貞滿。進入山內。而宗氏戰死。其兵皆卻。義貞以選兵二萬。乘夜赴之。則敵大兵據海岸。樹柵。兵艦列其南。以備傍射。義貞下馬。免胄。向海拜曰。天子為逆。臣所遷越。在西海。臣義貞不忍坐視。

日本外史

卷之六

六

日本外史 卷之六
提兵討賊。伏願海神眷臣忠義。退潮以開道。因釋所佩金裝刀。投之海中。比曉潮大退。兵艦皆漂去。義貞大喜。麾衆而進。諸軍從之。直入府中。乘風縱火。烟燄漲天。義貞縱兵鏖戰。高時舉族遂伏誅。自舉兵至此。蓋十五日矣。義貞因居鎌倉。誅餘黨。撫新附。威振關東。先是天子在伯耆。聞京師平。將還關。或諫曰。雖京師平。金剛山攻兵猶滿畿內。且諺曰。八州敵海內。鎌倉敵八州。承久之役。誅伊賀光季。其易而與東兵鬪。乃取敗衄。今天下十得一二耳。宜暫居此。以視東國之變。諸公卿皆然之。帝不聽而發。至兵庫。得義貞捷書。上下大喜。詔以義貞爲左馬助。義助爲兵庫助。賜

使者爵。建武元年。舉族入朝。義貞敘從四位上。任左兵衛督。兼播磨守。領上野守護。義助任兵部少輔。充武者所頭。人領駿河守護。義顯領越後守護。並宿衛京師。足利尊氏者。義兼遠孫也。地望素著。佐攻京師。首蒙寵爵。官祿皆遠出。新田氏之上。遂陰蓄異圖。而忌義貞及皇子護良。初帝之歸關。護良居志貴山。近畿兵爭歸之。將率以入朝。而不果。帝使參議藤原清忠就言曰。天下既定。汝將何爲。蓋削髮復舊。護良對曰。高時雖伏誅。餘黨未殲。宜嚴武備。以絕覬覦。且陛下之德。微臣之謀。以致有今日。而足利尊氏攘爲己功。彼觀其志。有不可測者。不及其力微而除之。復生

以仁愛衆之謂攝受
以威力戮人之謂折伏

一高時也。臣聞佛有二道。曰攝受。曰折伏。願陛下任臣以
戎事。臣將為陛下折伏焉。帝不懌。勉從之。拜為征夷大將
軍。而不許誅尊氏。護良具驕從入朝。赤松則村為先驅焉。
尊氏深嫉之。乃結於帝寵姬藤原氏。陰謀排陷焉。而護良
不察。輒欲除尊氏。多蓄死士。密徵兵。尊氏得其檄。上變。告
大將軍反。欲廢帝立其子興良為帝。藤原氏自傍贊之。帝
怒。十月。伏甲召護良。執之。囚于宮中。護良憤怨。因所識宮
人上書曰。臣以罪累。敢訴冤枉。唯陛下憫察之。臣夙憤武
臣專恣。釋法服。被戎衣。寧受世譏。而為君父忘軀。在廷臣
子。莫敢效力。而臣獨張空拳。以抗強敵。賊之目目。集於臣

惛

惛快也
呼昆切不憚也孟子
齊宣王吾惛云
惛亦呼昆切不憚也
保記

身。購臣以萬戶。臣晝伏夜行。匿山谷。踐霜雪。殆死而復生。
者數。焦思運籌。遂得抵誅夷之績。而不圖獲罪於此。仰將
訴天。日月弗照。不孝之子。俯將哭地。山川弗載。無禮之臣。
父子義絕。乾坤共棄。臣不敢復有望於世也。儻宥死刑。削
籍歸佛。臣終身毋悔。抑申生死。而晉國亂。扶蘓刑。而秦世
傾。聖明蓋延古。以鑒今焉。涕隕心惛。不終所欲言。書入。莫
敢奏達者。諸從護良終始者。皆被誅。赤松則村亦褫其守
護職。十一月。勅附護良於足利直義。徙之鎌倉。穿窖于二
階堂谷。幽之。縱一宮人侍焉。二年。七月。北條時行作亂。襲
鎌倉。直義敗走。臨走。召淵邊義博曰。時行不足患。可患者

日本外史

卷之六

八

踏
斫職勝音灼

播
補遺切也也也

遂據上
無尊
氏二字

兵部卿宜乘此時除之。義博往窺窖中，護良方焚燭誦經，顧而蹶起曰：汝欲殺我邪？前奪其刀，義博斫其膝，踏之，跨胸刺，吮護良縮頸，嚙其鋒，鋒折，拔貳刀，刺心，二乃絕。年二十八。義博欲以首示直義，見其不瞑，而舍鋒棄去。所待宮人收葬之，將歸奏狀，而帝已命尊氏東伐，時行尊氏遂據鎌倉，自稱將軍，奪新田氏邑在關東者，以分予將士，抗疏罪狀，義貞、義貞乃上書曰：嚮者當天下大亂，乘輿播遷，捕正成等豪傑並起，相共勤王，而足利尊氏首鼠兩端，觀望勝敗，自非賊軍失利，蓋不肯降也。功微賞多，遂冀非望，害臣之忠義，欲詭言陷之。臣以五月八日起兵上野，彼以其

艾
立蓋切，又通治也，謂自改心
狴
迫兮切，亦牢也
俾
側吏切，同刺以物指地也，猶曰立及
噬臍
尤莊，若不早圖，後

七日佐攻六波羅，而曰：臣聞京師復乃肯起兵，以欺罔天聽，其罪一也。臣以五月廿一日率諸軍誅高時，而彼之兒子率從七百餘人，以六月三日入鎌倉，而曰：臣賴其兒子以成功，其罪二也。彼在輦下，擅誅親王之卒，其罪三也。征夷之任在兵部卿親王，而彼輒掠其號，其罪四也。矯稱管領，務張威福，其罪五也。中興之業，雖因大運，抑兵部卿之謀策居多，而彼百方讒構，遂抵流謫，其罪六也。陛下心期兵部卿之自艾，而彼修私仇，辱之牢狴，其罪七也。直義乘亂遂俾，又於兵部卿大逆無道，其罪八矣。此八罪者，天地所不容措，而不論百敗將隨而至，後噬臍無及，願陛下照

日本外史

卷之六

九

君噬臍杜註云若
蓋獵者捕麋以取
其膂臍之急自噬
破其膂臍則人不之
取若既就驚矣欲
噬臍亦無及矣

八
暴薄劫切也又步木切音
求之僕暴顯也後漢實融
穀古候切
穀張弓弩也
穀擊手
謂控
謂擊
也

今
傳皆近事暴著注暴露
也

鑿之。速下明詔以誅伐尊氏兄弟。廷議疑未決。會護良侍
婢至奏狀。而尊氏及迹遂暴於天下。十一月。乃下詔討尊
氏。徵兵六萬。陞授節刀於義貞。以總諸將。奉皇子尊良。自
海道進。忠房親王以一軍。自山道進。義貞常掄精強七千
為中堅。而栗生顯友。篠塚伊賀。畑時能。巨忠景。由良具滋。
長濱顯寬等十六騎。最驍悍。善穀擊。同其徽號。進退與俱。
義貞至於矢矧河。河東皆足利氏兵。義貞召顯寬視津。還
報曰。津有三處。然前岸峻絕。敵攢鏃守之。不若誘敵使渡
而蹙之水也。義貞從之。賊分兵左右渡戰。且卻。終縱萬騎。
自中渡。犯義貞。義貞乃以中堅迫擊破之。賊退陣鷺坂。又

殲

音平詳
音霍
同殲。虛郭切。音滿也。
按殲騎者騎射三
兵也。与唐書更長
從宿衛曰殲騎。非有
因也。

按太平
記諸書

進擊破之。足利直義以二萬騎來援。盛兵乎越河。義貞望
之曰。敗卒在後。必先走。餘眾不能支也。戰而逮夜。夜遣殲
騎循間道薄射其後隊。後隊擾走。諸營遂大潰。走返鎌倉。
尊氏大窘。欲削髮出降。未果也。義貞引降附數萬。至伊豆
府。遲山道軍者數日。賊軍復振。凡數十萬人。直義出拒箱
根。十二月十二日。義貞令義助奉皇子向竹下。而自攻箱
根。登高覽視將士。將士皆奮戰。直義兵沮靡。殆不能支。而
尊氏以十餘萬出竹下。竹下官軍七千人。其隸皇子者先
進先走。義助以手兵代之。格鬪交退。其子義治。年甫十三。
與兩騎陷賊中。撤號被髮。與賊偕退。義助還營。不見義治。

日本外史

卷之六

三十一

義治與
賊中非
兩騎也
蓋涉下
文一賊
而誤

拊
而振切滿也

復進索之直冒賊軍軍潰走。義治知父來救也。佯呼賊兵
盡反戰。二賊從之。比及我軍。義治目從騎。斬其賊。歸獻義
助。義助大喜。乃退息。遣鹽谷高貞等更進。高貞等叛。降賊。
亂射官軍。義助夜退。欲合於義貞。義貞方克直義。俟明日
進。舟田義昌在前軍。聞直義陣中傳呼將軍捷也。乃巡視
我諸營。帷幕儼在。而無復一人。走告之義貞。義貞默然曰。
是或降或逃也。吾少退。拊其逃者復戰。乃下山而西。兵僅
五百人。聞尊氏兵數十萬。充叔伊豆府。栗生顯友。篠塚伊
賀。據鞍顧眾曰。一騎當千。諸君之謂矣。乃先眾而前。賊爭
薄義貞。伊賀蹴而仆之。立斬九人。餘賊不敢薄。義貞行收

散兵得二十人。至天龍河。造浮橋。濟軍。軍悉濟。義貞乃與
義昌濟。有叛者。潛絕其紐。僕牽馬前。輒陷。義昌曰。誰援之
者。顯友重鎧沒水。兩手捉人馬達。前岸時橋陷丈餘。義貞
義昌相挈而跳。既濟。或議撤橋。沮追兵。義貞曰。我且為之。
彼寧不能為哉。存橋而去。屯矢矧驛。兵多道亡。宇都宮公
綱勸其退阻洲股。義貞從之。朝廷亦以近畿皆叛。四窺京
師。急召還義貞。義貞乃還京師。部署諸將。自以萬人守大
渡。義助與權中納言藤原公泰。僧文觀等。以七千人守山
崎。江田行義。以五千備應援。延元元年正月。行義擊丹後
賊兵于峯堂。走之。而尊氏已將數十萬抵大渡。義貞豫撤

橋板截折不殊。樹柵水中。令兵呼于岸曰。丹後之兵我已殲之矣。公盍亦來決死。賊兵怒。造筏以渡。遇柵而止。我軍亂射。賊紛擾。後壞而弱者數百人。又令呼于橋曰。舟筏且益。請由此來。賊千餘人爭進。折斷。皆溺。尊氏遂休戰。不進。已而賊兵二萬來攻山崎。公泰文觀。隸士爭降賊。賊即入。義貞聞山崎軍破。賊兵指關。則馳援義助。將與俱奉帝於叡山。賊將細川定禪將兵六萬尾之。義顯以三千騎不告而返。射戰久之。度義貞已至關。則大呼衝敵。大友氏泰。宇都宮公綱。新降在賊中。識義顯。欲必獲之。義顯奮戰八合。被大創數十。流血淋漓。還至紫宸殿前。帝親臨勞之。遂與

義貞義助俱扈乘輿赴叡山。細川定禪來據園城寺。相持未戰。會陸奧守源顯家入援。新田氏旅在東國者相率從之。大館氏明。宗氏子也。從至近江。攻拔一城。遂來會於義貞。顯家欲休馬而後戰。氏明曰。我馬遠來。休則足重。不可輒用。不若今夜直襲園城寺。出其不意。義貞然之。即夜出兵。唐崎黎明。與諸將將騎六萬圍園城寺。賊自門中叢槍拒之。百忠景奪其十六槍。烟時能舉足。蹋門扇倒之。我軍入而縱火。走定禪。斬首七千餘級。顯家乃退。義貞亦欲收兵。舟田經政扣馬說曰。兵利在乘勢。賊兵一敗。魄褫氣沮。我因躡之。乘勝連進。可以終獲其渠魁也。義貞曰。然。即率

日本外史

卷之六

十一

三萬騎追之。遇嶮逼擊。遇夷遙射。賊不得返戰。伏尸狼籍。餘衆走歸京師。合於尊氏軍。義貞進上華頂山。望尊氏軍。尊氏軍充塞京師。不知其幾千萬也。義貞計以寡當衆。不可徒戰而勝。乃令我兵略相識面者。每五十為伍。卷旗。號為敗卒狀。混入彼軍待戰而起。部二千騎遣之。已而兩軍接戰。六十餘合。我軍每勝。以至日暮。所遣二千騎在賊軍中。揚旗並起。賊軍大驚擾亂。自相擊刺。遂大潰奔。我軍乘勝追之。短兵急接。尊氏迫蹙。欲自以者。三義貞自挂河還陣京師。其兵四散。鹵掠在者亦疲。賊軍返襲不支而退。舟田義昌等戰死之。會山道兵失戰期者。還至諸將又議。

刺 詳見初之世葉

也 音魯揚子方言鹵奪也

間日隔一日也

諸將一作諸軍

戰。夜下山陣。日。日。插正成源顯家。分路進戰。尊氏親與顯家戰于四條。義貞。義助。建旗五十流。橫擊之。地出其背。賊軍呼曰。中黑至矣。輒崩駭。義貞獨變服入賊中。尊氏不獲。分兵追之。日暮乃退。還軍坂下。誘尊氏還京師。而間日襲擊之。尊氏大敗。走攝津。義貞率諸將追擊。又大敗之。尊氏狼狽航海。諸軍爭舟而弱者數千人。委棄。錯仗海濱。二月。乘輿還關。義貞振旅而還。詔遷義貞左近衛中將。義助右衛門佐。時新附兵萬餘。嚮用足利氏旗號。重畫者皆畫抹其中。為中黑。淡濃可辨。京師傳以為笑。已而足利氏保聚西土。勢復大振。赤松則村石橋和義。及菅某等。並起應。

枚
狀如箸口橫街之建
結於項也

之三月詔義貞管領山陽山陰十六國西伐會百疾遣江
田行義大館氏明將一千騎先發遇赤松則村兵于書寫
山下擊走之義貞疾愈將五萬騎出次鹿子河并降附萬
人進至斑鳩驛且攻則村白旗城城壁未成則村請降義
貞喜為請於朝比朝旨至壁成則村乃不降義貞大怒曰
吾寧禽之而後前行合軍圍之城險不下義助諫之乃分
二萬人附義助進攻石橋和義和義據二石拒舟坂義助
得兒島高德鄉導乃留一軍于舟坂而一軍銜枚縛馬舌
自間道出舟坂之背賊顧而驚駭義助夾擊拔舟坂遂攻
三石城遣江田行義攻菅氏菩提城遣大井田經隆孫氏

濟
經以二千人進據福山城城未修而尊氏直義舉九國兵
而來城兵欲避之氏經不肯五月直義將兵數萬圍之氏
經出擊潰圍東走合於義助義助馳使告義貞義貞答曰
敵海陸並進即打陸者則海者直犯關矣吾欲退屯兵庫
合捍海陸於是白旗三石菩提三城圍皆解義貞先至鹿
子河河水方漲眾以敵逼於後請將帥先濟義貞曰敵來
則背水決戰吾殿而濟耳乃令創病者先濟明日水減而
義助行義亦至遂濟至兵庫則其兵亡者過半帝遣楠正
成來援義貞迎問曰朝議如何曰吾欲召還公奉駕叡山
不聽也義貞曰驅敗卒當銳師吾知其必敗耳顧去歲敗

刺

軼

奇

尖質切過也突也又
侵軼也左隱九年懼
音軼我也
音軼架箭幹也

於關東今復未拔一城何以復命吾故欲決死一戰正成
曰進退從宜是謂良將公且徐計之且前殪高時後攘尊
氏公武多矣眾言何足恤哉義貞色釋且日尊氏兵艦蔽
海而至而直義來自須磨旌旗燭天義貞令正成拒直義
令義助氏明拒尊氏而自居其後相持未戰我軍有一騎
挾弓立岸呼曰將軍西來必載津妓置酒高會請進一物
佐酒注箭而俟適有鷄攫魚而舉乃馳而射之斷其隻翼
墮敵舟中兩軍謹呼尊氏使人問其名答曰東人或識請
投刺焉復發一箭軼三百步貫船舷尊氏視其箭射於奇
曰相摸人本間資氏敵中傳觀資氏揚扇呼曰方今戰國

隱在十二葉

一矢可愛願見返賜賊中有答射者箭不達岸我軍齊笑
射者慚憤以三百人上岸義助擊殲之賊先鋒七百艘過
而東將自西宮上新田氏軍二萬欲先往拒之循岸而馳
騎者如走舟者如追而兵庫無人矣賊後隊六十艘盡上
兵庫楠正成戰沒乃與其陸軍合以躡義貞義貞曰吾觀
西宮旗幟支賊耳自兵庫來者乃其渠魁吾所願擊乃還
背生田林而陣迎戰終不利走義貞自殿數返擊馬墮而
徒上丘待救敵環射之義貞揮二刀截十六箭小山田高
家望見還救授其馬而留死初高家從軍刈民麥法當斬
義貞使人視其營則鎧馬鮮而無粒粟義貞曰吾罪也士

日本外史

卷之六

十五

不可亡法不可亂乃為償田主而賜粟於高家高家感愧故死之義貞因得脫自丹波以殘兵六千歸京師上下失色天子復幸叡山六月尊氏入京師使高師重等來攻分陣三百餘所義貞義助以諸將拒東坂使公卿僧徒守西坂賊乃先攻西坂二卿戰死僧徒力不支告急於義貞義貞與紀清兩黨赴援擠賊於谷殺數千人因陣于大嶽賊又攻東坂義助擊卻之賊更欲攻西坂以熊野兵五百為前鋒皆被黑甲自雲母坂上木間資氏相馬忠重在義貞側瞰而笑曰今日之事不復煩諸君下百餘步相命名各射一賊貫甲穿胷賊不敢前二人顧我軍曰戰且合矣為吾

立的吾將習射我軍植畫月扇二人相誠勿射月乃發兩箭夾月乃解箠鼓弦自名於敵曰盍受吾箭試甲堅脆賊懼不戰而卻會山徒光澄夜放賊負紀清兩黨覺而蹙之初我軍約有急撞鐘相報一日有羣猿撞鐘諸營皆警賊兵以為官軍下擊乃大騷官軍遂開諸門一時並下縱火賊營擊人走之生禽高師重義貞附山僧斬梟其首賊兵四潰既而又聚官軍猶謂賊兵寡也出攻之尊氏挾光嚴帝據東寺為城出兵京師要擊官軍官軍敗還七月藤原師基以北兵三千入援諸將議曰前日之戰取路京中所以敗也不若由内野續二道赴之已而有叛者泄其議

粥音祝則餽粥也音育責也礼王制田里不粥

幽在前十二葉

尊氏乃以大兵邀擊焉。官軍復敗還。天子乃賜邑於叡山僧徒。以獎激之。令招南都。南都輒應之。畿內兵聞之。所在相聚。各請將帥。以塞糧道。賊窮困。至粥餽馬。遂大出幽掠。義貞於是議出戰。遣四國兵列陣于阿彌陀峯。約諸將帥齊進。天子親臨勞軍。剪所御紅裳。分賜之。以為笠。識義貞臨發。白曰。勝敗天也。不可逆睹。今日之戰。所不送箭。尊氏營者。毋復生還矣。已而北白河失火。藤原隆資以為戰合也。先期自八幡入。敗走。南都兵亦失期不至。義貞以二萬騎行破賊軍。終抵東寺。執弓注矢呼尊氏語之曰。天下擾亂久矣。雖曰皇統之爭。抑由公與義貞而已。與其為一身

軼在前十四葉

苦萬民。寧各以單騎決鬪。決雌雄。請送一箭。箭軼門樓入。尊氏帳中。尊氏不出。時諸公御軍及四國兵皆為賊所破。賊兵悉萃於義貞。義貞返擊奮戰。破之。至五條。賊復四合。義貞額中流矢。流血被面。乃令其騎皆西。其馬首欲決死。紅笠識者八百騎來救之。擁義貞潰圍歸山門。於是諸將帥皆棄守走歸。八月。足利高經佐佐木高氏等絕我糧食。九月。遣兵擊高氏。敗歸。我軍多逃亡。尊氏佯乞降。請帝歸闕。密使人致款。帝信而聽之。尊氏又陰招諸將。諸將多應之。十月。左衛門督藤原實世使人來告。義貞營曰。尊氏納款。車駕赴其營。公知之乎。義貞時延見將士。得報不信。曰。

詞 音夏同也又刺探也
擗 伊入切音扼手著胸也
又拱手上下左右之以相
禮也

黨一作

是使者誤聽耳。美濃守堀口貞滿曰：今日旦氏明行義無故，赴中堂。吾固怪之，請往詞焉。馳至行在，則乘輿方駕矣。貞滿揖進，攀其轅，泣曰：臣聞道路之說，未知信否。今乃信矣。不審義貞有何罪而陛下乃回其聖眷，以成及賊邪。當元弘初，義貞奉辭伐罪，殪元兇於旬日，以除宸憂。雖古忠臣，恐不能過。自尊氏及以來，又舉族勤王，為陛下數冒萬死。宗黨死義者八千餘人，而賊勢滋熾，土師入利者，豈盡戰之罪哉。蓋天未眷聖德焉耳。今日西駕之轅，竟不可還乎。則召義貞以下族屬見在者五十餘人，賜死於御前。然後發，帝憮然頃焉。義貞與義助義顯率三千人入列階下，色

渝 音俞也

泄 訓漏則音薛 管子君臣下篇古言播有耳者微謀外泄之謂也
泄 與滌同故泄與滌亦為同字 美在保記

愠而禮恭。上前義貞兄弟慰諭之曰：當尊氏及卿為其同宗，乃挺歸義，支傾扶廢，終始不渝。朕深嘉之，欲仗卿宗族以鎮平四海。天運未會，兵疲勢蹙，是以權講和議，以待時焉。耳本宜謀及而慮於漏泄，欲臨期相告，顧貞滿未之察也。然由其言，亦有所省。朕聞越前地方多歸順者，又有前所遣將士，卿宜赴彼經略北陸，以圖恢復。以朕還京師，恐卿得賊名，今特以太子相附。卿視之猶朕軍國之事，無小大當由卿處分。朕已為卿忍恥，卿亦為朕努力。言畢垂淚。將士皆泣，莫能仰視。於是遂令義貞奉皇太子赴越前。義貞即夜造日吉祠，納寶刀，禱曰：神鑑吾忠義，使吾行無恙。

日本外史

卷之六

十一

東宮及皇子
后皇子自及於杻山
太子鳩殺於尊氏手

魯

關門一作

得發兵滅賊。即不得然。猶使子孫有再起者。明日奉東宮
及皇子尊良北行。舉族從之。獨大館氏明江田行義及宇
都宮公綱本間資氏等從乘輿入京師。尊氏囚帝及從者
殺資氏以報兵庫雲母坂之役。義貞以七千騎至鹽津。聞
足利高經大兵塞途。轉由木芽嶺行。會大雪。士卒凍飢。燎
弓箭相抱取煖。土居得能氏遇賊兵自殺。千葉氏舉其眾
叛降於賊。義貞行三日。纔至敦賀。河島維賴氣比氏治迎
入金崎。遣義顯義助於越後。至杻山。杻山城主瓜生保厚
待之。而高經詐傳詔旨討新田氏。檄至保信之關門自守。
其弟僧義鑑來謁曰。臣兄愚魯。輕信賊計。雖然。苟曉是非。

塵キ渠シ遜シ切音シ僅少也

終歸順耳。臣願得擁戴一公子。俟時乃起。義助察其無他。
遂以其子式部少輔義治託之。而引兵還金崎。兵道亡有
二百騎。會今莊淨慶聚兵塞道。淨慶父嘗屬我軍者。義助
乃令由良光氏往說之。淨慶答曰。臣去就與父異。不得不
沮。願得部下一名士以藉口。光氏歸報。義顯曰。諸君從我
至此。情同父子。寧我代士。莫士代我。往更告之。弗聽。則齊
戰死耳。光氏往告焉。淨慶不決。光氏下馬坐曰。將帥身係
天下輕重。猶欲以身代吾輩。吾其可不致命。拔刀將自殺。
淨慶感歎。遽止之曰。吾寧當罪耳。開道跪伏。義助義顯撫
勞而過。其兵又亡。在者塵十六騎。而聞敵以三萬騎圍金

日本外史

卷之六

十一

嶠欲衝圍入城。眾難之。栗生顯友出策。夜使眾解衣帶。挂之樹。為旗幟狀。以張疑兵。武田與一傷右手。約木刀于腕。顯友亡副刀。斫木為槌。乘曉薄敵。呼曰。拙山援兵至矣。敵駭顧。義貞因出擊走之。納義助義顯。於是相與奉東宮。皇子於船。置酒奏樂。以慰籍之。尊氏又遣高師泰等。將兵六萬。海陸來攻。城負山臨海。城兵拒戰。日斃千餘人。十一月。城兵望見海上。有人泅者。望城而來。至則旦忠景也。結詔書於警進之。蓋天皇逃於吉野。建行宮。詔義貞攻京師也。義貞等大喜。時瓜生保屬賊軍。在城下。而其諸弟起拙山。以應義貞。保將拔還。思得同志者。宇都宮泰藤。天野政貞。

籍本音 泰跡 切音 踏如 慰籍 詞夜切音 謝通 藉前漢義縱傳治散 往少溫籍注言所舍 容也 又前漢薛廣德傳廣 德為人溫雅有飄藉 注寬博有餘也 又後漢龐參傳光武 素聞其凡声報以 殊礼所以慰籍厚
拔還 拔賊軍而還
義貞

中黑 新田也 重黑

與保鄰營。一日有客問二人曰。重畫中黑孰美。泰藤曰。中黑哉。三鱗廢而重畫興。代重畫者。非中黑乎。三鱗者。北條氏徽號也。政貞曰。然保聞而竊喜。寢與二人歛。因告其志。二人同之。時高師泰四設關。以符出入。保詐請以百五十人。歸邑取符。吏給符如其言。保削符。改書三百人。與泰藤。政貞俱出關。入拙山。義鑑及三弟源琳。重照皆大喜。推義治為將。舉旗招兵。兵聚千餘。扼守北道。師泰聞之。遣六千騎來擊。保悉焚聚落。故遺湯尾一驛。以誘敵。敵至宿驛中。保與泰藤遣輕兵。夜襲敗之。聞足利高經引兵歸國府。又要擊破之。旁近望風。爭附義治。義治有不豫色。義鑑曰。即

賜
賜俗賜字

君可喜而憂何也。曰：思金崎城守之苦焉。爾義鑑泣下。泰藤政貞隔牆聞之，曰：此子有心賜如此，吾曹曷可不出力。明年正月，推里見時成爲將，以五千騎救金崎。師泰遣兵二萬逆戰，諸將敗走。時成爲賊所圍，保義鑑挺身赴援。其三弟欲從之，義鑑叱曰：吾兄弟皆死，誰翼式部君者？三弟乃止。時成保義鑑皆死，餘衆走歸杣山。保有老母，酌酒獻義治曰：兒輩不力，乃亡里見公。然使兒輩盡還，則妾心云何？今二兒致命，足慰妾心耳。將士爲之奮激，然力不能再舉。金崎城中日望杣山援不至，已而糧竭。義貞、義助殺所愛馬，以食士卒。將士皆勸其出赴杣山，以計夾攻。義貞、義

逗撓
逗音豆，也佳也。撓，女教也。東也。又在也。言止滯，枉屈不得與敵戰也。又撓，古互通。撓亦，有女教功音。前漢韓安國傳，逗撓當斬。注：逗，曲行也。敵也。撓，顧望也。此說則，似是然。照之本，書不得當未知孰是。

助從之。三月，以河島維賴爲鄉導，乘夜出城，潛入杣山城。城兵大喜，日議援金崎。而賊兵乘暖來聚，至十萬騎。杣山兵僅五百人，甲馬不備。逗撓二旬，金崎兵食馬盡，無可食者。賊候知之，四面齊登城，兵力竭不能戰。外城既破，由良具滋長濱顯寬入見。義顯曰：事已至此，脫東宮而留死，臣等請拒戰。君徐爲計。率五十人出，割死尸相共食之。力拒前門。義顯謂皇子尊良曰：臣將種不可不死。殿下與臣異，勿遽自殘。皇子笑曰：吾視卿死，豈可獨生？因問義顯自殺之方如何。義顯曰：視臣所爲，卽拔刀自樹左脇，劃至其右，奉刀於皇子而伏。皇子取刀，血滑不可握，握以衣袖自

據日本史義顯傳齊時是氏治之兄又以舟載太子為氏治子齊晴

又而死藤原行房里見時義武田與一氣比氏治等皆殉死之氣比齊時有膂力善泅舟載太子無楫櫓施組于舟執之而游游千餘步至蕪木浦託土人使奉之杣山而歸死于金崎具滋顯寬謂事畢矣開門冒陣進薄師泰賊認其疲羸觀輒殺之凡城兵八百降者十二人而已其餘皆死栗生顯友船田經政等四人匿岩穴免焉太子匿蕪木浦浦人叛告之賊賊取太子問義貞兄弟所在太子給曰昨自殺矣其兵火之賊乃押送太子於尊氏傳義顯首而不問義貞義貞在杣山常欲一戰雪恥以為行宮聲援間招聚義故夏大館氏明自京師逃伊豫江田行義逃丹波

親与道通邊

此音塞与塞同本

金谷經氏逃播磨並起兵義貞次子德壽在上野聞源顯家西上聚兵應之欲先發攻鎌倉及顯家至合兵攻拔之於是歸義貞者頗多尊氏聞義貞未死也冬遣足利高經舉北陸兵來擊據越前府出兵交戰義貞遣畑時能糾加賀兵攻拔大聖寺城遣義助及細谷秀國入越前築三砦與高經相持明年二月雪釋義助欲益築城逼敵率百餘騎相地於鯖江遇賊將細川孝基以五百騎奄至義助擊走之因舉火招援義貞來援高經又以數千騎來夾水而陣我兵亂流大戰擊破高經高經走保足羽賊望風解走者三十餘城義貞因據國府事聞京師尊氏直義怒曰太

日本外史 卷之六 三十一

子給我至此遂鳩殺之。當是時官軍頗振。德壽從顯家至美濃。堀口貞滿亦附之。皆願與義貞合軍以入京師。而顯家欲獨專其功。遂引兵回出南都。時叡山僧徒又多望義貞來。而義貞欲必拔足羽而後西。是時顯家敗死和泉。其弟顯信與德壽等據男山。帝手書諭義貞援男山。時大井田氏經等發越後兵擊破普門富樫二氏。七月進至越前。義貞并其兵將攻高經。而詔書適至。義貞感奮曰。自有源平氏未聞得天子親書詔者也。因欲直赴援。用兒島高德策。自以兵三千備高經。以二萬附義助。至敦賀。聞男山陷。引還。於是合兵專攻高經。高經誘平泉寺僧兵修藤島以

寨士士直切与若日
離活也木柵也

下七寨守之。義貞在河合城。夢已為龍卧地。高經駭走。眾以為吉夢。或曰龍為陽物。方陰而見。是凶兆也。是月二日。義貞以諸軍攻足羽。至燈明寺前。分兵為七隊以當七寨。藤島兵擾動。我兵因疾攻。不能拔。義貞望見。遽以五十餘騎赴之。遇賊兵三百于田中。矢下如雨。我兵無楯。以身蔽義貞。中野宗昌勸義貞獨身遁逃。義貞曰。失士而獨免。非吾志也。鞭馬且進。馬被箭殪。義貞欲起。有白羽箭中其眉間。乃拔刀自刎而死。年三十八。賊未知其何人也。見宗昌等環屍自殺。又檢尸得錦囊書。書辭曰。討賊之役。朕一煩卿。蓋帝手書。乃知其義貞也。時日暮。我軍無赴救者。已而

見數騎還河合也。以爲義貞各自退還。義助還至河合。求
義貞不在。久而知實。將士惶惑。有叛者。夜將火城者。天
明。檢其兵則二千而已。義助乃走歸國府。使河島維賴保
三峯。畑時能保湊城。瓜生照保。杉山照歸。遇藤原氏于淺
津橋。藤原氏者。中納言行房妹。而義貞夫人也。初爲勾當
內侍。延元初。義貞夜入直。見其彈箏。心慕焉。帝聞而憐之。
召義貞賜酒。因賜內侍爲妻。伉儷甚篤。義貞之受詔北行。
置之於近江。居二歲。迎致杉山。旣至。聞義貞在足羽。轉赴
之。途遇照。照下馬。跪輿前曰。夫人安往。公已戰沒矣。夫人
大慟殆絕。歸杉山。欲執喪于義貞舊居。以敵來過。遂歸京。

師。是時。義貞首傳至京師。足利氏君臣相慶。終梟之。藤原
氏聞之。卽夜削髮。遂匿西山終身。藤原氏無子。義顯。義興。
義宗。皆產於東國。義顯先。義貞死。難。義興。安出。故義宗代
義顯爲嗣。六歲。爲左兵衛佐。兼武藏守。義興。卽德壽。男山
之陷。走歸吉野。帝壯其貌。曰。汝興乃父家者。因賜名。義興
授右兵衛佐。義貞沒而二旬。令義興與北條時行。從皇子
宗良。赴東國。遇颶相失。漂至武藏。於是與義宗。皆匿東國。
義助。義治。在北國。七月。義助稍收敗軍。與畑時能。由良光
氏。一井氏。政等。各屠諸城。而會河合。以兵六千。攻足羽。時
能先行。夜薄城。挑戰。足利高經。火城而走。是歲。帝崩。後村

能
音郎
與
能

日本史
時能高
經二傳
並師重
作師治
師重者
叢山之
役為義
貞所誅
殿見前

上天皇即位十二月詔義助代義貞統師。義助聞先帝臨崩特眷新田氏也。方思報效焉。而尊氏發七國兵來攻。諸城悉陷。義助走美濃。獨畑時能以殘兵二十七人據鷹巢城。城甚險固。賊不能拔。足利高經高師重合兵圍之。結三十七營。互進迭攻。時能幼喜角觝。材武絕人。姓僧快彥善戰。僕惡八郎缺唇而有力。又畜一狗。名大獅子。三人者。夜出襲賊。每向一營。輒使狗先往。賊有備則吠。不則搖尾還報。三人者乃斫營入。大呼奮擊。賊輒委甲走。各潛賂時能曰。願勿襲我營。時能驍名震敵中。呼曰畑將軍。會一井氏政來入城共守。時能乃留氏政于城。而自以十六人夜

出伊地山。高經以為平泉僧徒來援城兵也。將三千騎邀擊。時能解甲鐵馬。躍出曰。畑將軍在此。高經陣動。時能馳而乘之。高經潰走。而快彥被七創。即日死。時能甲隙皆創。飛鏃沒肩。病三日死。自是北國無復官軍矣。賊乃攻義助於根尾城。城陷。義助以族從數十人微服投尾張氏。留十餘日。道伊賀伊勢。而至于行宮。帝延見。泣而勞之。詔加一級。且賞從者。藤原實世竊言曰。是何異乎維盛敗歸而加爵哉。藤原隆資折之曰。義助之敗非其罪也。近日北國將士。不由大將。而取裁於南山。南山臣僚以服微勞。而得邑於北國。將權以輕。士心以驕。而義助受其敗。豈其罪也。主

上察之。乃有此命。猶秦穆勞孟明。子何失喻。實世不能
答。帝遂拜義助刑部卿。興國元年三月。伊豫官軍請得將
帥。朝議擬義助。而海陸皆敵。會備前人。飽浦信胤。應官軍
道。乃開。於是義助以兵五百發。四月。至伊豫國府。遇大館
氏。明氏。明初逃京師。詣行宮。得為伊豫守護。與土居得能
氏。保守諸城。及得義助。軍益振。議者皆謂西南可復也。五
月。義助疾作。七日而卒。將士秘喪。而賊已知之。來攻河江
城。金谷經氏。統伊豫兵救之。大戰海上。會風起。我船漂去。
賊船達岸。我兵欲冒風返之。經氏曰。我軍數奇。至此返不
必利。唯當前至山陽。取一城據之。乃上備後。攻鞆城。拔而

カシ
候
音
輪
息
也

據之。山陽賊兵來戰。未決。聞賊將細川賴春。圍氏明于世
田城。經氏乃將數百人赴救。與賊兵數千戰。敗。率殘兵歸
備後。賴春乃以萬騎攻世田。三旬。城內食竭。氏明以下悉
自殺。篠塚伊賀在城中。開門。提鐵槌而出。呼曰。吾新田公
親。兵篠塚也。盍殺我。以得賞。賊皆披靡。乃徐行而去。賊不
敢追躡。至今治浦。見賊空船。獨有舟人。篠塚游而達之。跳
入船。自名曰。送吾於隱岐。手拔錨。樹桅。登船屋。鼾睡。舟人
畏怖。送至隱岐。以終焉。篠塚有女。仕皇太后。曰伊賀局。後
嫁楠正儀。勇力類父云。義貞。義助既死。足利氏無復忌憚。
兒島高德在備前。招新田義治於上野。謀起兵。不克。乃間

日本外史 卷之六 二十九
入京師欲襲尊氏又不克義治走匿東國與從兄義興義宗皆潛圖復父仇窺釁未發也正平六年尊氏與直義有隙使長子義詮守京師而自東擊直義殺之入居鎌倉立次子基氏管領東國義詮偽請降帝許之兒島高德與由良信阿至自行宮諭旨於新田氏曰天子納義詮降北還京師其實乘虛行誅也尊氏在彼公等圖之機不可失矣因進義宗左近衛少將義宗乃徇東國義貞義助遺臣奮起來從得數萬人直義故黨石堂義房三浦高通等又為內應約戰酣起刺尊氏尊氏覺而逐之而義宗等未知也閏正月勒兵于武藏野義興居左義治居右義宗自將中

軍在其後尊氏兵十餘萬義興先合義治次之殺傷相當敵將饗場某率六十騎更進義宗麾兒玉黨擊走饗場饗場走入尊氏陣尊氏陣大亂義宗直前指其牙旗大呼曰吾今日為天下討賊為一家復仇奮擊破之追北馳者三十餘里至石濱尊氏欲自殺其兵返戰死之尊氏得間濟達前岸收兵三萬壓冰而陣而義宗騎能屬者五百人時已昏黑無來助者義宗切齒而止乃還求義興義治義興義治見白旗兵三萬北走以為尊氏也合兵追之降者屬路二人駐馬揖之者數其兵不顧而前留從者僅三百遇伏兵數千圍之二人苦戰而出甲冑皆破刀又如鋸身各

壓三
壓一作
如壓王苦則於豔切壓末
則乙甲切音鴨
又如壓王伏則益涉切

韃 居良切音重馬蹠也

被數創亡百餘騎。乃議曰：我既與武藏守相失，以此寡羸將安歸也。不若遇基氏決死，眾然之。進至關戶。會石堂浦氏以五千騎西行，并其兵襲鎌倉。基氏悉甲出拒義興。鬪於海濱，斬三騎，馳貫賊陣，左韁斷委地，乃挾刀于脇。府結之賊羣至，擊其項及背，義興不為動，結果應賊，賊驚走。遂與義治合擊，走基氏。仍據鎌倉。義宗時據碓氷嶺，越後信濃兵二萬奉皇子宗良來會。杉憲顯等又屬焉。尊氏收兵八萬欲復鎌倉，聞義宗軍復振，乃先攻碓氷碓氷地負山帶川，使於據守。而義宗年少氣銳，數出戰於平地，敵更兵交進，自午至酉。義宗終敗走，上嶺而陣，既夜足利氏

燭 音爵 菅火放也 菅束草燒也

軍舉炬，布滿山澤，顧視我軍，炬如燭火。義宗驚曰：晝日所失亡未至如此，得非有逃者。前有勁敵，後有鄉土眾，疑我退走也。乃自釋鎧卸鞍，以示不走。眾稍定。夜半上杉氏望見炬火數千，復屬賊軍，則遠走信濃。於是走者相踵。義宗不得獨留。比曉，退入越後。八州兵盡附尊氏，還向鎌倉。義興與義治欲迎戰，決死。將士諫止，乃走信濃。義宗既歸越後，聞帝猶在行宮，欲赴援之。收兵七千入越中，挑井吉良石堂小山宇都宮諸族皆應之。奉皇子宗良西上，途聞行宮已陷，乃解歸。是役也，赤松則祐亦就行宮降，請奉將軍興良與良，故護良子也。材武類父，則祐思護良舊恩，欲擁據

無忘

播磨以為聲援。帝許之。及則祐敗叛去。興良拘於京師。但馬人本莊某奪之。與則祐戰。敗死。興良走歸吉野。後十餘年。赤松氏範屬官軍。復奉興良為主。已而叛。應義詮。帝遣兵擊走之。範興良奔南都。不知所終。人譏其辱護良也。義宗與義興。義治俱匿越後。居數年。武藏上野將士連署來請。一人奉戴舉義。義宗。義治皆疑不敢往。義興奮而往。足利基氏發兵來捕。國人相俱匿之。或以兵圍義興。輒潰圍逃。不可蹤迹。基氏患之。我故將竹澤良衡與族江戶堯寬叛。降基氏。基氏宰畠山國清。囑二人圖義興。乃為獲。罪亡來。索義興仕之。啗以美姬。漸得狎近。因誑之曰。鎌倉可襲。

柎而銳切音茂利本
 宋王九辨圖堯寬而
 方柎兮吾知其難入
 云々
 希月端

義興遣眾先往。與親信繼之。路由矢口渡。堯寬教舟人鑿舟腹而柎之。載至中流。拔柎。泗去。伏兵夾河起。舟將沒。井伊直秀手揪義興。義興瞋眼曰。悔陷賢子計。剖腹死。直秀與世良田由良大島等皆自刃。上肥市川等啣刀而泗。與堯寬鬪。殺傷十餘人而死。時正平十三年十月也。基氏重賞二人。堯寬赴邑。復由矢口。天俄雷雨。顧覩義興。追已墮馬。疾作。死。鎌倉人又夢義興來襲也。矢口民立祠祀義興。義興既死。義宗。義治仍在越後。二十二年。足利義詮死。子義滿猶幼。明年七月。義宗。義治起兵越後。上野與足利氏將上杉能憲戰。不克。義宗死之。義治走出羽。建德元年。正

日本外史 卷之六
月。義治收兵。出武藏上野。與上杉朝房戰。復不克。走匿信濃。不知所終。義宗子貞方爲相模守。義治子義隆爲刑部少輔。後龜山天皇元中二年。二人並匿信濃浪合。替集宗族。足利氏滿管領鎌倉。遣兵鑿之。貞方義隆脫走。入陸奥。九年。天皇納足利義滿劫和。北入京師。義滿購天下索新田氏族。先是。小山義政據小山城。爲新田氏。爲氏滿所攻。破死。義政子穉狗復起兵。據男體城。年餘。城陷。走入陸奥。依田村清包。於是相共舉義。推貞方義隆爲將。軍于白河。氏滿將十一州兵來擊。吾衆潰。貞方義隆復逃走。是歲丙子也。歲癸未。義隆匿箱根山中。竹下人安藤某告之。鎌倉

來捕。義隆鬪死。歲庚寅。貞方在鎌倉。陰糾合義故事。覺。爲千葉兼胤所捕。斬于七里濱。新田宗統於是而絕。而其支族匿參河者。歲再周庚寅。而後大興。事詳于末編。
外史氏曰。余見義貞手記者。蓋其未舉事時。語家子弟。武門法戒。淺近而已。然有言曰。爲將者。奉上撫下。決志而行。聽運於天。勿尤人也。義貞成於元弘。而敗於延元。亦時運有可不可。邪將上之人。有負之邪。至叡山之事。可謂負之甚矣。帝蓋前此未曾面議事。至此亦嘗試兩端。僥倖孰成。以是待將帥。惡濟時艱哉。吾嘗咎義貞之東伐。不按兵持重。俟與兵擾其內。而後應之。懸軍長驅。一敗成賊勢。及賊

媿他侯切与衡同

西奔。則不捲甲窮追。頓兵堅城。以致賊再燃。是緩急兩失機也。然當時主聰壅蔽。國論苟媿者如此。蓋雖有善謀。難於執行。則不可言罪其戰也。是故為官則敗。為私則成。寧敗而忠義不成。而奸賊義貞之志亦可悲矣。吾居平安。每觀東山岡阜起伏。指義貞力戰處。仰觀叡山。又念其拜辭北行時也。帝及南遷。蓋深悔此舉。下哀痛詔而已無及矣。噫。君臣際會難矣。可不慨歎。假令義貞有霸心。當其初克鎌倉。北條氏餘燼未滅。而足利氏反迹已形。義貞以此為請。坐鎮舊府。蓄力養威。與護良親王東西合謀。請清君側。朝廷不敢不聽。使尊氏或挾天子以臨我。其逆節漸長。

賊形格勢禁

恢大也

翼戴

書皇陶謙庶明加翼。傳翼戴上帝。陳言如鳥之而翼而戴孝之。鄭云以衆翼。明作輔翼之。今一作

親一作

天子終不能堪。必將引我以自援。猶後白河之近疎。義仲而遠歎。賴朝耳。是新田氏上計也。不然當其始授鉞。進據信濃上野。連之奧羽。俯瞰八州。扼賊之吭。而拊其背。賊形格勢禁。必不棄我以犯闕。是又其次也。及其辭叡山。則事不可為矣。然得擁太子。進退自如。為赴越前。而潛歸上野。勢或可達。收合舊部。奪賊巢窟。據以為根本。進則成。恢復。退則圖。翼戴。又可以展其才。而得其志。計不出於此。以無根之兵。奔走東西。而謀與戰。皆不由己。宜其困屈無所成也。雖然。奉令周旋。銳意勤王。不暇占便利。所以為義貞也。觀其死時。猶佩錦囊詔書。見其報國之志。百敗不挫。至今

朱指朱全忠以比尊氏李指李克用以比義貞存最克用長子即後唐莊宗也
汴梁朱氏所挾河北太原李氏所挾
魏信列克用養子即後唐明宗也登極之年已踰六十每夕於宮中焚香祝天曰某故人因亂為衆所推願天早生聖人為生民主趙藝祖即宗太祖趙匡胤也以唐明宗登極之年生故為應祝以歲月較言以歲月之前後運較勝敗得失之數也

迷離

助許玉切

稟有生氣而老賊之骨朽腐已久十三世之室町徒見市塵迷離索其斷礎不復可識矣義貞之聽運於天其以此邪余嘗謂新田足利之兵爭猶朱李之於唐季義貞忠勇勝於克用而義興等英邁不讓存勛存勳覆滅汴梁而義興等不克報室町者亦非有所牽制故歟抑我東北形勝同於河北太原而新田氏不能據有也然義貞祈山靈以其子孫再起滅賊又猶魏信烈祝天願生真主安天下也世稱趙藝祖應祝而生我二百年後代足利氏而興者實出於新田遠裔亦烏知非應義貞之所哉則天運果有復時勝敗之數未可以歲月較也

